

四庫全書

子部

欽定四庫全書

子部

萬姓統譜卷

三十七至  
四十

詳校官中書<sub>臣</sub>徐志晉

主事<sub>臣</sub>祁韻士覆勘

總校官知縣<sub>臣</sub>楊懋珩

校對官中書<sub>臣</sub>王家賓

謄錄監生<sub>臣</sub>朱學濂

欽定四庫全書

萬姓統譜卷三十七

明凌迪知撰

下平聲

七陽

張

清河商音黃帝第五子青賜生揮為弓正觀弧星始制弓矢主祀弧為張氏

周

張仲

詩云侯誰在矣張仲孝友

張旄

楚王將出張儀恐其敗已斬尚曰儀事王不善臣請殺之旄令人要尚刺之王大怒秦楚構兵

而戰秦楚爭事魏張旄果重之

張丑

丑為質于燕燕王欲殺之走且出境境吏得丑丑曰燕王所為將殺我者人有言我有寶珠也

王欲得之令我已亡之矣而燕王不我信令子且致我我且言子之奪我珠而吞之燕王必當殺子刺子腹及子之腸矣夫欲得之君不可說以利吾要且死子腸亦且寸斬境吏恐而赦之以讓魏絳獻文子成室張老曰美哉輪焉美哉與焉君子謂之善頌善禱

張老

晉人悼公時為侯奄代魏絳為司馬又立為卿

張儀

張老之後魏人學鬼谷子之術以遊說顯名楚相誣以盜金莖擊遍體歸謂其妻曰視吾舌尚

在否曰在曰舌在足矣後為秦相

張生

齊將軍田疇出將張生送郊以五事諷之田疇曰今日諸君皆為疇祖道具酒脯而先生獨教

之以聖人之大道謹聞命矣

漢張耳

大梁人嘗亡命游外黃後從漢高破趙井城以功封趙王子敖嗣立尚高帝長女魯元公主

張良

字子房其先韓人家世相韓秦滅韓良為之報仇不果乃佐高帝滅秦天下既定封留侯尋弃

人間事從赤松子遊卒諡文成侯先儒謂其有儒者氣象

張蒼

陽武人好書厯律嘗仕秦為御史後歸漢從攻臧荼以功封北平侯孝文初為丞相年百餘歲

乃卒著書十八篇專言陰陽律厯事

張仲

張負見陳平於喪歸謂其子仲曰吾欲以女孫予陳平仲曰平貧不事事事奈何與女負卒與女

張辟疆

良子說陳平誅呂氏

張釋之

南陽堵陽人以貲為騎郎十年不得調後拜廷尉惟務持平語曰張釋之為廷尉天下無

冤民景帝時出為淮南王相子贇官至大夫免以不能取容當世故終身不仕

張協

河間內史清簡寡欲徵為黃門侍郎

張寬

成都人蜀人未知學大守文翁選寬等闕士受業還以教授于是蜀學比齊魯寬仕至揚州

刺史作春秋章句十五萬言

張湯

湯為兒時隨父為長安丞守舍鼠盜肉父欲笞之湯掘窟得鼠及餘肉劾鼠掠治傳爰書訊鞠

論報具獄磔鼠堂下父視其文辭若老獄吏大驚乃使書獄漢武朝遷大中大夫子安世又八世至張吉皆貴盛故班固不敢以入酷吏傳

張昌

武帝太初元年雅陵侯張昌為太常

張騫

城固人武帝時為郎應募使月氏國西南夷去十三年始還後封博望侯

張猛

騫孫為光祿大夫與周堪同心輔政後為石顯所害

張安世

字子孺杜陵人父湯官至御史大夫安世以父任為郎武帝奇其才擢尚書令遷光祿大

夫昭帝即位封富平侯宣帝時以定策功拜大司馬自漢以來安世子孫七葉侍中諸曹散騎

者千餘人

張歐

字叔高孝文時以治刑名侍太子然其人長者景帝時尊重常為九卿至武帝元朔中代韓安

國為御史大夫歐為吏未嘗言按人劾以誠長者處官官屬以為長者亦不敢大欺上具獄事

有可卻卻之不可者不得已為涕泣面封之其  
愛人如此老篤請免天子亦寵以上大夫祿歸

老于家家陽陵  
子孫咸至大官

張延壽

安世子以身無功德  
上書力陳讓封邑

張勃

延壽子嗣為散騎諫大夫嘗舉陳  
湯後湯立功西域世稱其知人

張臨

勃子世守儉謙每登殿閣歎曰暴虐  
為我戒生不厚哉介施親族朋友

張敞

字子高平陽人父福光祿大夫宣帝朝敞以察  
廉為甘泉倉長後為京兆尹九年以經術自輔

號稱職坐楊惲免冀有賊起為刺史  
盜平守太原郡徵為左馮翊會病卒

張放

臨之子母尚平公主復取元帝后妹女上為供  
帳賜甲第服飾號為天子取婦皇后嫁女兩宮



使者冠蓋不絕與上卧起寵冠殊絕後以寵  
盛過使大臣論劾出為北地都尉遣就國

張禹

字子文河內軹人明習經學仕為博士元帝朝  
授太子論語成帝即位尊禮師傅累遷光祿大

夫代王商為丞  
相封安昌侯

張何丹

中散大夫何丹以言忤莽謫松滋邑令慈祥  
豈弟愛民如已出于時有嘉禾連穎之瑞卒

於官邑人為之哀慟揮河西勝地而  
葬之歲六月二日民爭奠酹不絕焉

張堪

字君時宛人少時志美行勵諸儒號曰聖童光  
武拜為郎中司馬吳漢伐公孫述拔成都堪

留撫慰蜀人大悅徵拜騎都尉漁陽  
太守寇弭民富有麥穗兩岐之歌

張宗

南陽魯陽人鄧禹定河東時宗詣禹自歸禹聞  
其多權謀表為偏將軍禹軍到桐邑赤眉至宗

為後拒戰却之諸將服其勇自是有戰必勝累遷河南都尉大中大夫終琅邪相

張衡

字平子南陽西鄂人善屬文通五經作二京賦精思十年乃成衡善機尤精天文厯算為太史

令作渾天儀復造候風地動儀人服其妙遷侍中宦官讒之作思玄賦以寄情出為河間相嚴

整法度上下肅然徵拜尚書

張純

字伯仁安世玄孫父放為成帝侍中純襲爵土光武時更封武始侯嘗將突騎安集荊陽純在

朝歷世明習故事朝廷禮儀多所正定後為大司空子奮好學節儉所得俸皆分贍宗親後為

司空

張湛

字子孝平陵人矜嚴好禮動止有則在鄉黨詳言正色人以為儀表光武時拜光祿勳數諫諍

後為太子太傅

張玄

河陽人少習顏氏春秋建武中拜博士琅邪徐業與語大驚曰今日相遭真解蒙矣

張芝

字伯英臨池學書池水盡黑凡衣帛必書而後陳韋仲將謂為草聖靈帝朝為太尉

張興

鄆陵人治梁丘易舉孝廉累官太子少傅明帝數訪以經術既而聲稱著聞子弟從遊者前後

至萬人子魴世其業位至張掖屬國都尉

張酺

字孟漢汝南細陽人自少力學不怠顯宗開四姓小侯學酺以尚書教授論難當上意除為郎

令入授皇太子經侍講率有勳正之辭累官至司徒

張佚

博士明帝擇太子傅羣臣舉陰識佚正色曰立太子為陰氏則陰侯可為天下則宜用天下之

賢才帝即拜佚  
為太子太傅

張軌

涪川人少好學志識開朗仕至隴  
右府長史無餘財惟有書數百卷

張山拊

平陵人師小夏侯建為博士論石渠官至少  
府授同縣李尋鄭寬中山陽張無故信都秦

恭陳留假倉由是小夏侯  
有鄭張秦假李氏之學

張禹

襄國人性篤厚節儉舉孝廉章帝時拜揚州刺  
史志在理察枉訟錄囚徒多所明雪轉兗州刺  
史以清平稱遷下邳相為民開水門灌田民用  
給足累官太傅安帝初以定策功封安鄉侯

張奉

章帝元和時廬江毛義東平鄭均皆以行  
義稱於鄉里南陽張奉慕義名往候之行

張林

章帝時尚書張林上言縣官經  
用不足宜復武帝均輸之法

張敏

河間鄭人建初時舉孝廉四遷尚書多所建明和帝時遷汝南太守清約不煩用刑平正有能

理名再遷潁川太守徵拜司空

張恭

東郡人也漢書不為傳鄭玄嘗從受周官禮記左氏春秋韓詩古文尚書為世名儒

張道陵

留侯良八世孫生於天目山學長生之術退隱于山章帝和帝累召不起久之遍遊名山

東抵興安雲綿溪升高而望曰是有異境隨所流而之雲綿洞有仙巖焉煉丹其中三年青龍白虎旋遶於上丹成餌之時年六十容貌益少又得秘書通神變化驅除妖鬼後于蜀之雲臺峰昇天所遺經訣符章并印劍以授子孫其四代日盛復居北山歷代重之今其子孫世襲真人

張霸

字伯饒成都人自少知孝讓鄉人號張曾子七歲通春秋後博覽五經和帝時舉孝廉為會稽

太守擢用有業行者羣中爭厲志節化服越賊故童謠云弃我戟捐我矛盜賊盡吏皆休後徵

遷侍中

張楷

霸子通嚴氏春秋古文尚書門徒嘗百人縣府連辟舉賢良不就順帝詔云楷行慕原憲操擬

夷齊郡時以禮發遣楷復告病不到性好道術能作五里霧

張機

長沙太守時大疫流行治法雜出機著傷寒論金匱方行於世

張陵

楷子官至尚書元嘉中梁冀帶劍入省陵率虎賁奪冀劍劾奏冀百僚肅然初冀弟不疑舉陵

孝廉謂曰昔舉君適以自罰陵曰今申公憲以報私恩也

張範

修武人性恬靜徵命無所就弟承以方正拜議郎董卓亂範承命徒共誅之弟昭亦為議郎魏

曹操以範為參軍承領趙郡太守

張奐

字然明燉煌酒泉人父惇為漢陽太守奐舉賢良對策第一為安定屬國都尉正身脩德威化

大行拜武威太守長子芝以善草書知名

張武

吳郡由拳人父業為郡掾送大守妻子還鄉至河內遇盜夜劫業與戰死武年幼不及識父後

詣太學受業嘗持父遺劍至父亡處祭祀太守第五倫嘉其行舉孝廉遭母喪過毀絕命

張磐

字子石丹陽人以清白稱度尚為荊州刺史見胡蘭餘黨南走蒼梧懼為已責乃偽上言蒼梧

賊入荊州界時磐刺交趾徵下廷尉辭狀未正會赦見原磐不肯出獄更牢持械節因自列曰

磐備位方伯為國爪牙而為尚所枉夫事有虛實法有是非磐實不辜赦無所除如忍以苟免永受侵辱之恥乞傳尚詣廷尉面對曲直足明真偽廷尉以其狀上詔書徵尚到廷尉詞窮受罪以先有功得原磐後為廬江太守

### 張皓

字健為武陽人漢留侯良六世孫五遷至尚書僕射出為彭城相徵拜廷尉辨正疑獄順帝即位拜司空多薦達天下士時趙騰因災變當伏重罪皓諫曰騰本欲盡忠正諫如當誅戮塞諫諍之源非所以昭德示後也帝悟減騰死罪

### 張超

鄭人良之後有文行靈帝時從車騎將軍朱雋討黃巾有功為別部司馬著賦頌箋檄等文凡十九篇又善草書世寶重之



張光

梁州刺史嘗遣叅軍擊賊李邕楊武等為賊所敗光憤激而卒百姓皆悲傷之

張馴

字子雋定陶人以大夏侯尚書教授辟公府拜議郎與蔡邕共奏定六經文字擢侍中典領秘

書近署甚見寵異多因便宜陳政得失遷丹陽太守有惠政徵拜尚書終大司農

張恭

天水人為燉煌功曹會太守馬艾卒郡人推行長史事恩信甚著遣子就詣曹操至酒泉為賊

黃華所執恭遣從弟攻酒泉而自為首尾之援黃華遂詣金城太守蘇則降後賜恭爵關內侯

張遐

餘千人幼聰明日記萬言舉孝廉補郡功曹不就十九從楊震震語人曰張遐當為天下後世

儒宗建寧間召為五經博士尋以疾還教授諸葛瞻陸遜輩皆其門人卒贈族亭侯所著有五

經通義易傳筮原龜原吳越春秋等書

張劭

汝陽人與范式為友式謂劭曰後二年當過拜尊親至期劭白母具雞黍待之至日式果至升

堂拜母盡歡而別劭死見夢於式曰吾於某日死式即素服會葬式至棺起世謂之死生交

張綱

字文紀皓子少明經學仕為御史與杜喬等持節分按天下綱獨埋輪都亭曰豺狼當道安問

狐狸遂劾梁冀等姦惡廣陵守綱單車徑造嬰壘諭以諷尚書以綱為廣陵守綱單車徑造嬰壘諭以

成敗之機嬰深感悟乃降南州晏然子續官至郎中

張齊芳

驃騎將軍意之子歷中書郎退隱句章之靈山採山釣水以自適人皆賢之遂以其父之

官名其山曰驃騎鄉人立祠祀焉

張訥

巴郡太守有德政及民吏民為之立頌德碑

張喬

順帝時豪林蠻區連入寇州郡討之不克於是選喬為交州刺史喬單車至州寇徒自去

張翕

永平間羅州太守政化清平得夷人心

張竦

丹陽太守博學通治體以廉儉自持後封淑德侯

張琚

鉅鹿人漢魏間徵辟皆不應遠遁恒山魏關帝時張掖郡有寶石負圖太史令奏以為關魏之

禎或以問琚琚曰以神知來不追已往此石當今之變異將來之禎祥也遂隱居不與時競以

道自樂年百有五歲而卒

張儼

餘杭人好學有賢德遭漢末之亂嘗開園種瓠以所售錢造橋不樂營利鄉人重之

三張翼

網曾孫蜀建興間以討劉胄有功累進都虞侯征西大將軍後為鍾會亂兵所殺子激篤志好

學累官廣陵太守

張溫

字惠恕吳縣人父允輕財重士名顯州郡為吳東曹掾卒溫少修節操容貌奇偉累官太子太傅以輔義中郎將使蜀蜀甚重其才

張松

為人短小精悍有才辨劉璋遣詣曹公楊脩深器之白公辟松不納修以公所撰兵書示松松一覽即便朗誦以此異之

張儼

字子節吳人弱冠知名博聞多識仕吳為大鴻臚使于晉裴秀荀勗等欲傲以所不知不能屈

羊祜何禎並結編帶之好子勃撰吳錄三十卷

張裕

字南和南郡人為後部司馬曉占候而關過周羣嘗諫先主曰不可爭漢爭必不利不聽下

獄後果得地而不得民魏氏之立先主之薨皆如裕所料

張紘

廣陵人漢末辟舉皆不就避難江東委質孫策策身臨行陳紘每切諫後為長史權再征合肥紘曰兵貴時動宜廣開播植任賢使能順天命以行誅可不勞而定也權為止所著詩賦十餘篇

張昭

字子布彭城人少好學通左氏春秋漢末大亂昭渡江孫策命為長史撫軍中郎將策將亡以弟權托昭權為吳王敬禮彌重拜輔國將軍封妻侯昭容貌矜嚴有威風自權以下皆憚之卒

文謚曰

張嶷

巴西南充國人漢昭烈定蜀嶷為都尉將兵討平山賊叛羌除越雋太守及徵還夷民愛慕扶

輟涕泣後拜盪寇將軍與魏將戰歿  
越雋民夷聞歿死悲泣立廟祀之

張郃

河間鄭人魏拜偏將軍從攻鄴拔之文帝即位封都鄉侯與諸葛亮戰中流矢死諡壯侯

張既

高陵人舉茂才除新豐令治為三輔第一魏初以為京兆尹後為雍州刺史安定太守在郡十

餘年政惠著聞  
後封西鄉侯

張飛

字翼德雄壯威猛為世虎臣魏程昱等咸稱為萬人敵蜀先主拜為右將軍封西鄉侯

張繡

武威祖厲人廼勝襲殺祖厲長時繡為縣吏伺問殺勝郡邑義之後仕曹魏官渡之役力戰有

功累遷破  
羌將軍

張舉

吳句章令民有妻殺夫因放火燒舍詐稱夫死于火夫家疑而訴官妻拒不承舉以豬二口一

殺之一活之乃積薪燒之察殺者口中無灰活者口中有灰遂驗夫口中無灰鞠之妻服罪

張裔

成都人治公羊春秋博涉書史漢昭烈定關州以為太守後為丞相亮叅軍裔少與楊關恭友

善恭早死遺孤未數歲裔迎恭母關及恭子長為娶婦買田宅時人咸重其關加輔漢將

軍

張遼

字文遠與孫權戰于合肥衝壘突圍吳人喪氣拜征東將軍詔曰合肥之役以步卒八千破賊

十萬自古用兵未之有也

張敦

字叔方德量淵懿清虛淡泊善文辭為海昏令甚有惠化子純字元基有清才與同郡張儼朱

異俱童少往見朱據據聞三人才名試之曰今三賢屈顧其為吾各賦一物然後就坐夫腰裏

以迅驟為功鷹隼以輕疾為妙何必積思純賦  
席曰席以冬設簟為夏施揖讓而坐君子攸宜  
儼賦犬曰守則有威出則有獲韓盧宋鵲書名  
竹帛異賦弩曰南嶽之竹鍾山之銅應機命中  
射隼高墉純尤厲操行學博才秀容止可觀拜  
郎中為廣德令治有異績擢太子輔義都尉赤  
烏十三年廢太子和純  
盡言極諫權幽殺之

張秉

字仲節陽羨人時顧劭號知人一見遂友後劭  
為豫章太守發在近路值秉病時送者百數劭  
辭曰張仲節以疾不克來恨不見之暫還與別  
諸君幸少時相待秉自是聲譽遠播仕吳至雲

陽太守

張楊

字稚叔雲中人以武勇給并州為武猛從事  
董卓作亂楊迎天子還洛封晉陽侯



張燕

常山人本姓褚改姓張剽悍捷速過人故軍中號曰飛燕魏太祖定冀州燕求佐王師拜平北

將軍

張魯

字公祺沛人祖陵好道魯傳其術據漢中以鬼道教民魏太祖攻破之拜魯為鎮南將軍待以

禮客

晉  
張華

字茂先范陽方城人學業優博圖緯方伎之書無不詳覽贊伐吳功成封廣武侯華於儀禮憲章多所損益一時詔誥多所草定進為侍中盡忠匡輔卒之日家無餘貲惟文史溢几篋耳所

著有博  
物志

張賓

中丘人博涉經史閭達有大節常自謂智算識覽不後子房但不遇高祖耳及見石勒勒引為

謀主算無遺策號曰右  
侯及卒勒流涕彌日

張翰

字季鷹吳縣人父儼吳大鴻臚翰有清才善屬  
文而縱任不拘仕為齊王同東曹掾因秋風起

思吳中蓴鱸遂命駕而歸時高其  
志遭母喪哀毀踰禮人以孝稱

張憑

字長宗吳郡人祖鎮仕為蒼梧太守憑敏而有  
文舉孝廉策高等謁丹陽尹劉恢處之下坐及

發言一坐皆驚悛即延之上坐薦于  
簡文帝為太常博士官至御史中丞

張文君

永嘉人隱居丹霞山郡守王羲之往  
訪焉即遁去不與相見其介如此

張軌

烏氏人少好學有器望以時方多難永寧初求  
為涼州刺史威著西川化行河右在州十三年

寢疾遺令將佐盡  
忠報國以安百姓

張閏

字敬諸丹陽人薛兼薦之于元帝言其才幹貞固當令良器以佐翼功賜爵丹陽縣侯蘇峻之

亂閏與王導俱入宮侍衛密謀討峻峻平以尚書加散騎常侍

張玄之

自吏部尚書為吳興太守以才學顯與會稽內史謝玄同年之郡而玄之名竝於玄時人

稱為南  
北二玄

張悌

吳丞相與晉軍戰大敗諸葛靚自往牽之曰天下存亡有大數豈卿一人所知何故自取死為

悌垂泣曰仲思今日是我死也且我作兒童時便為卿家丞相所拔常恐不得其死負名賢知

顧今以身徇社稷復何道邪莫牽曳之如是靚流淚放之去一百餘步已見為晉軍所殺

張禕

少有操行恭帝為琅琊王以禕為郎中令及帝踐祚劉裕以禕帝之故吏素所親信封樂酒一

張載

覺付禕容令鵠帝禕既受命而嘆曰鵠君而求生何面目視息世間哉不如死也因自飲而死安平人博學有文章太康初至蜀省父嘗著劍閣銘武帝命鐫之劍閣山累官中書侍郎領著作弟協少有雋才與載齊名官至河間內史時亂遂弃官家居以詩文自娛亢亦能文尤解音

樂時號

三張

張威

梁州人時臣揚難敵攻梁州刺史胡子祥弃城去威起兵逐難敵以其地歸李蜀

張輔

南陽人衡之後少有幹局初補藍田令不為豪強所屈累遷御史中丞梁州刺史嘗論司馬遷

班固謂遷之著述辭約而義舉此所以稱良史也

張澄

字國明晉光祿大夫本郡太守善正書當葬父郭璞為占葬地曰葬某處年過百歲位至三司

而子孫不蕃某處年減半位止於卿而子孫貴顯澄乃葬其劣處位果止光祿年六十四而其

後遂昌澄子彭祖彭祖子敞

張彭祖

吳人官至龍驤將軍善隸書右軍每見其纖素尺牘輒取而藏之子敞孫裕三世皆以善

名書

張敞

晉侍御史度支尚書吳國內史桓元篡位敞以事忤元表獻忠款官至龍驤將軍子裕

張光

字景武江夏人身長八尺明眉目美音聲以牙門將伐吳有功遷江夏西部都尉遷梁州刺史

張方

河間人以材勇遷振武將軍方干之戰人無固志勸方夜遁曰兵之利鈍無常貴因敗以為成

耳遂大勝

張忠

字巨和中山人隱于泰山恬靜寡慾苻堅遣使徵之辭送還達華山歎曰我東嶽道士沒于西

嶽命也奈何行五十里及闕而死諡曰安道先生

南張弘策

范陽方城人幼以孝聞遭母死三年不食鹽菜梁武帝以為輔國將軍郢城平帝乘勝直

指建業弘策與帝意合城平遣封檢府庫秋毫無犯後封洮陽縣侯

張耀

上谷昌平人仕北齊以清白稱歷官尚書右丞文宣近出令耀居守至夜還耀不開門催迫甚

急須火至識面方開帝嘆賞之耀奉職恪勤性節儉祿賜輒散宗族好讀左傳卒贈右僕射諡

曰貞

簡

張羨

河間鄭人少好學多所通涉仕周累官司成中大夫典國史周代公卿類多武將惟羨以素業

自通甚為當時所重後年老致仕隋高祖徵至  
賜以几杖羨上表勸以儉約優詔答之卒年八  
十四諡曰定所撰有老子莊  
子義名曰道言五十二篇

張普惠

常山人精于三禮兼善春秋百家之說仕魏  
累官東豫州刺史普惠不營財業好有進舉

厚于故舊卒  
諡曰宣恭

張買奴

平原人該博經義門徒千餘人諸儒  
咸推重之歷太學博士國子助教

張吾貴

中山人少聰慧年十八仕魏為太學博士吾  
貴先未多學乃從卿銓受禮牛天祐受易而

自得為多其講左氏義例  
多以新意參之學者奇焉

張彫武

中山人通五經尤明三傳弟子受業者以百  
數北齊神武召為諸子講說遷平原太守後

張袞

除侍中彫武自以致位大臣勵精在公議論無所迴避數譏切寵要獻替惟展武成深倚仗之上谷沮陽人篤實好學有文魏道武為代王以袞為左長史累決大謀及道武即位遷黃門侍郎賜爵臨渭侯率心奉上不顧嫌疑尤好人物善訪無倦卒贈太保諡文康

張恂

字洪讓袞弟魏皇始初拜中書侍郎參預密謀後歷廣平常山二郡太守政為當時第一徵拜大中大夫卒贈平臯侯諡曰宣恂性情儉死之日家無餘貲子代為陳留北平二郡太守所歷著稱卒諡曰惠

張白澤

袞孫年十一遭母憂以孝聞長而博學仕魏為殿中曹給事中甚見寵任後為雍州刺史清心少欲人吏安之伊祁苟初三十人謀反文明太后欲盡誅一城人白澤諫而止卒贈廣平



公諡曰簡子倫官至大司農少卿燕州大中正

張萇年

惟一牛爭仕魏為汝南太守郡人劉崇兄弟分析

境內各相戒約咸敦敬讓子琛少有孝行官至太子翊軍校尉

張裕

字茂陵吳縣人父敞侍御史裕歷官尚書郎元嘉初為侍中益州刺史入為五兵尚書卒諡曰

恭子演鏡永辨岱俱知名時謂之張氏五龍

張邵

字茂宗裕弟為晉瑯琊內史劉毅為相好士其門輻輳惟邵不往宋武帝聞而重之轉太尉叅

軍及帝受命以功封臨沮伯文帝時轉征虜將軍雍州刺史加都督卒諡簡伯

張永

字景雲裕子歷官尚書中兵郎能文章善騎射為宋文帝所知拜揚威將軍加都督永志在宣

力累歷將帥與士卒同甘苦所得賞賜即頒與士卒弟辦歷官尚書郎大司農

張岱

字景山裕子歷官水部郎轉司徒掾母年八十輒去官有司欲糾宋武帝曰觀過知仁不須按也明帝時歷州刺史都督諸軍事齊高帝知岱清直加給事中後進散騎常侍吳興太守卒諡

貞子

張暢

字少微邵從子仕宋歷官記室參軍沛郡太守元嘉中魏太武南侵義恭欲奔彭城暢曰如此是舍安就危乃止事平進吏部尚書封夷道縣侯卒諡宣子子浩為諮議參軍淹黃門郎

張纂

平城人北齊時參丞相軍事為行臺右丞終護軍將軍北史論曰有齊之良臣也

張續

吳縣人清簡寡慾宋明帝時為太子中庶子大中正後遷中書令領國子祭酒續長於周易言

精理奧一  
時宗之

張子信

河內人涉文學隱居白鹿山時出遊京邑北齊大寧中徵為尚藥典御武平初為大中大

夫善易算及  
風角之術

張彪

襄陽人仕梁為東揚州刺史陳文帝據震澤彪拒之家口為陳所獲彪還若邪山陳遣兵重搆

彪彪眠未覺其養犬黃蒼驚吠嚙一人中喉死彪拔刀逐之映火識之曰卿須我者但可取頭誓不生見陳後遂遇害

張融

字思光吳縣人善草書玩涉百家弱冠有名宋時起為叅軍後歷封溪令入為御史中丞融性

至孝父母沒皆負土成墳所著有玉海集

張瓌

字祖逸吳縣人永子少有幹略累遷桂陽內史不拜後為通直散騎常侍驍騎將軍梁天監初

以給事中右光祿大夫致仕

張充

字延符緒弟吳縣人少好遊逸後修改博學該通仕梁為太子舍人累遷大司馬又拜散騎常

侍國子祭酒充長子義理登堂講說皇太子以下王侯多執經問難卒諡曰穆

張率

字士簡吳縣人性簡重寬雅十三能屬文南齊時舉茂才累官太子洗馬梁天監初遷司徒嘗

為侍詔賦武帝手敕曰相如工而不敏枚臯速而不工卿兼之矣遂遷祕書丞官至黃門侍郎

有文衡十五卷文集四十卷

張昭

字德明陳吳郡人與弟乾性俱孝父卒兄弟不衣綿帛不食鹽醋日食麥屑粥每一感慟必致

嘔血服終又喪母哀毀如之家貧未得大葬遂布衣蔬食十餘年郡舉孝廉不就

### 張盾

字士宣以謹重稱為無錫令遇劫問劫何須劫以刀斫其頰盾曰咄咄不易餘無所言於是生資皆盡不以介懷為湘東王記室出監富陽令廓然獨處無所用心身死之日家無遺財惟有文書千餘卷酒米數甕而已

### 張種

吳縣人初為法曹叅軍仕陳歷太府卿轉左民尚書高帝即位為都官尚書遷中書令種仁恕廉靜而識量宏博時人皆以為宰相之器卒謚曰元弟陵亦沉靜有識度官至司徒左長史後周芮城人性謙謹有孝行年十六祖失明元晝夜祈禱一夕夢神人以金篦療祖目越三日祖目瘳因詆之果明後人立祠謂之張府君廟

### 張元

張楚

梓潼人母疾祈禱苦至截指自誓精神感悟疾愈元嘉中詔榜門曰孝行

張昇

京縣人喪父哀毀過度形骸枯悴聲聞鄉里盜賊不侵其境州表以閭標其門閭

張敬兒

冠軍人父醜官至節府叅軍敬兒有膽氣好射猛獸發無不中仕劉宋累官寧蠻叅軍後

以平義嘉功轉侍中車騎將軍

張鏡

少與顏延之鄰居延之常談議飲酒喧呼不絕而鏡靜默無言聲後鏡與客談延之從籬邊聞

之辭義清婉延之心服謂客曰彼有人焉由是不復酣呼仕至新安太守鏡於兄弟中名取高

張稷

字公喬吳人幼有孝性因劉邁疾稷年十一衣不解帶終夜不寢及終毀瘠杖而後起見年輩

幼童輒哽咽泣淚州里謂之淳孝後位御史中丞

張嶧

字四山吳人少敦孝行父掇為青冀二州刺史遇害嶧終身蔬食布衣侯景叛嶧為所執景欲

存其一子嶧曰吾一門已在鬼籙不在爾處求恩于是皆死贈侍中

張偉

字仲業太原人學通諸經鄉里授業者恒數百人偉告喻殷勤常依附經典教以孝悌里人感

其仁化事之如父性清雅非法不言太武時與高允等俱被辟命授中書博士

張冲

字思約吳人為舒州刺史梁武起兵遣辨士說之確然不回固守不屈病將死勵府僚以誠節

言終而卒贈散騎常侍

張孝秀

南陽宛人仕元魏為州從事刺史陳伯之叛孝秀為中州士大夫謀襲之弗克遂入匡山

學道力田遠近歸慕赴之如市性通率不好浮華博涉羣書善談論隸書凡諸藝能莫不明習

張耀

南陽西鄂人仕元魏累遷步兵校尉歷岐東荊州刺史清直素著勤於其事尋加大將軍卒贈

司空諡

曰懿

張華原

平城人少明敏有器度仕北齊歷官兗州刺史獄有罪徒數十給假歸依期畢至州境猛

獸為暴忽有大駁食之人咸以為化感所著及卒州人號慕為樹碑立祠

張濟

西河人涉獵書傳清辨善儀容魏道武愛之晉雍州刺史楊佺期乞師于常山王遵以禦姚興

道武遣濟為遵從事即報之濟自襄陽還道武問江南事濟對稱旨厚賞之後拜勝兵將軍

張膺

通許人延興中為魯郡太守履行貞素妻子採樵以自供孝文深嘉之遷京兆太守清白著稱

得吏人之忻心焉



張思伯

河間人善說左氏傳為馬敬德之次撰刊例十卷行于時亦為毛詩章句以二經教授齊

安王廓位國子博士又有長樂張奉禮善三傳與思伯齊名位國子授助教

張湛

字子然酒泉人弱冠知名好學能屬文司徒崔浩識而禮之薦為中書侍郎湛知浩必敗固辭

每贈浩詩頌多歲規之言浩誅以壽終

張正見

字見疇清河東武城人祖善之魏散騎常侍渤海長樂二郡太守父修禮魏散騎常侍郎

歸梁梁簡文在東宮正見年十三獻頌簡文深贊賞之嘗預經筵請決疑議吐納和順進退詳雅四座咸屬目焉仕梁及陳官至尚書度支郎有文集十一卷

張讜

字處言武城人仕宋為東徐州刺史性開通篤于撫恤青徐之士雖疎族末姻咸相敬視終青

州刺史

張烈

字徽之武城人少孤貧涉獵經史有氣槩時青州有崔伯徽房徽叔與烈並有令譽時人號三徽終瀛州刺史弟僧皓字山客厯涉羣書工于談說有名於當世以諫議大夫徵不起世號徵

馬君

張景仁

濟北人幼孤家貧以學書為業遂工草隸選補內書生周武城令侍書遂被引擢小心恭

謹後主登祚累遷散騎常侍

張敷

字景胤小名攄父小名梨宋文帝問之曰攄何如梨對曰梨是百果之宗攄何敢比父卒毀瘠過制詔改其居曰孝張里宋武朝拜中書郎子融字思光作海賦顧凱之曰實超玄虛但恨不

道鹽耳即註曰漉沙揚白熬波出素積

雪仲春飛霜暑露有文集名玉海集

張績

大通間為吳興太守省煩苛務清淨  
民吏便之大同二年召為吏部尚書

張興世

字文德竟陵人少家貧白衣隨王玄謨伐蠻  
每戰輒擒獲諸將不及玄謨甚奇之號龍驤

將軍子忻恭  
為吏部尚書

張惠紹

字德繼義陽人少有武幹仕齊為竟陵橫桑  
戍王母喪歸鄉里聞武帝起兵乃自歸累有

戰功及帝踐祚封石  
陽縣侯位驍騎將軍

張綰

字孝卿弘策子與兄縉齊名相東王嘗策之百  
事綰對闕其六號為百六公位散騎常侍御史

中丞時兄縉為僕射百司就列兄弟並  
導駟分趨兩陛前代未有也時人榮之

張亮

字伯德，隰城人。初事爾朱兆，神武討兆，兆奔於秀容。左右皆密通誠款，唯亮獨無啟。既及兆敗，竄於窮山。令亮及蒼頭陳山提斬其首以降。皆不忍兆乃自縊於樹。亮伏屍而哭，神武嘉歎之。

授丞相參軍，漸見親待，委以書記之任。天平中，為文襄行臺郎中典七兵事。

張彞

字慶賓，東武城人。性公強，有風。歷覽經史，仕魏為散騎常侍兼侍中，持節巡察陝東、河南、十二州。甚有聲稱。後除安西將軍、秦州刺史。羌夏憚其威，尋召為光祿大夫，卒。贈冀州刺史，謚文侯。

張譏

武城人。年十四，通孝經，論語、篤好玄言。仕梁為士林館學士。侯景寇臺城，譏獨侍太子，不去。及臺城陷，譏崎嶇避難，卒。不事景，後事陳，卒于長安。

張晏之

彞孫仕北齊官至北齊州刺史百姓為製清德頌子虔威涉獵羣書仕隋官至內史舍人

儀同  
三司

張蒲

字玄則修武人父暉仕後燕慕容垂位至兵部尚書以清方稱蒲少有父風慕容寶時仕為尚書左丞後遷相州刺史

扶弱抑強風化大行

張冲

字叔玄吳人仕陳為左中郎將非其好也乃覃思經典撰春秋義略異於杜氏七十餘事孝經

論語義十卷前漢學義十二卷官至國子博士子復胤

張褒

梁天監中不供學士職御史彈劾之褒曰碧山不負吾乃焚章長嘯而去

張約之

秦郡人嘗為吉陽令徐羨之等謀廢立以次當及廬陵王義真乃議先廢義真為庶人約

之憤惋上疏切諫徙梁州府叅軍見殺論者謂有田延年之風元嘉三年詔褒其義烈

張顥

為梁相雨後有鳥如山鵲令人擲之墮地化為石槌破得金印曰忠孝侯印

隋

張虔威

晏之子涉獵羣書歷周入隋累官謁者大夫上嘗問參見人首立者為誰虔威審視而後

對上怪問之虔威引石建數馬故事為對時上數巡幸百姓疲弊虔威上封事以諫由此見疎

子爽仕至

蘭陵令

張虔雄

虔威弟亦有才器秦孝王俊為秦州總管選法曹叅軍王嘗親案囚徒虔雄誤不持狀口

對百餘人皆盡事情同輩莫不嘆服後歷壽春陽城二縣俱有治績

張季珣

少慷慨有志節大業末為鷹揚郎將李密陷蒼城季珣坐聽事顏色自若羣賊曳令拜密

李珣曰吾雖敗軍將猶如天子爪牙臣何容拜賊密壯而釋之翟讓從求金不得殺之其弟仲

琰幼琮俱遇害

張奩

字文懿武城人父雙自清河太守免歸鄉人有引陳寇至者雙欲率子弟擊之奩贊成其計竟破賊由是知名奩仕周起家州主簿入隋為潭州總管卒諡曰莊

張熒

茂子好學有父風初仕周歷膳部大夫進爵為伯隋高祖受禪拜尚書右丞進爵為侯丁父憂柴毀骨立累遷民部尚書熒性和厚省識度甚有時譽後拜冀州刺史稱為良冀州刺史

張衡

河內人幼懷志尚有骨鯁風仕至御史大夫知無不言後以諛賜死唐高祖代隋追贈大將軍南陽郡公諡曰忠

張文翊

河東人父琚洹水令有清正教子姪皆明經自達文翊通三禮易書詩春秋三傳家貧灌

園為業仁壽中辟舉不應事母至孝以德化人及卒鄉人立碑頌焉

張須陀

閩鄉人有勇略弱冠從史萬歲討西蠻以功授議同從楊素擊平漢王諒加開府大業中

為齊郡贊務歲饑即開倉賑給不待詔敕後以戰死

張祥

并州司馬諒作亂縱火燒郭下百姓驚駭城側有西王母廟祥登城再泣禱曰神其有靈可降

雨相助言訖廟上雲起須臾驟雨其

火遂滅士卒感其至誠莫不用命

張允濟

武陽令以愛民為行道不拾遺武陽民有以牸牛依婦家孳十餘犢而不還者訴縣不能

決乃詣允濟允濟因令左右縛民蒙其首過婦家云捕盜牛者令盡出牛質所從來婦家不知



遠曰此婿家牛  
遂斷牛還婿

萬姓統譜卷三十七

欽定四庫全書

萬姓統譜卷三十八

明 凌迪知 撰

唐 張志寬

安邑人居父喪哀毀嘗為里正忽詣縣稱母疾急求歸令問狀對曰母有疾志寬輒病令

疑其妄繫于獄馳驗如言乃慰遣之母終負土成墳高祖遣使拜散騎常侍表其閭

張懷約

建昌人初仕隋官至學士後歸唐以為溫州司馬懷約幼有令名鄉人宗其德行尤博學

強記文詞典麗講三禮三傳出諸儒之右性尚簡雅後隱于富陽山莫知所終

張士衡

樂壽人九歲喪母哀毀過制博士劉思軌授以詩禮隋末兵起諸儒廢學唐興士衡復講

教鄉里太子承乾迎致謁太宗擢崇賢館學士太子嘗問事佛對曰事佛在清淨仁恕如君仁

臣忠子孝則福祚永反是而殃禍至及承乾廢  
罷歸子大隱高宗時為太常博士守正不諛從

有大  
臣體

張平高

綏州人隋末為鷹揚府校尉戍太原從唐高  
祖平京城累授左領軍將軍封蕭國公貞觀

初為丹州刺史卒追封  
羅國公贈潭州都督

張進

饒陽人少負奇質有膽氣唐初與饒陽太守諸  
葛德威合謀擒劉黑闥以功授開府儀同三司

賜廐馬五十  
匹黃金百萬

張公謹

字弘慎繁水人貞觀初為代州都督置屯田  
以省餽運又數言時政得失後遷襄州都督

甚有惠政其卒也太  
宗不避辰日哭之

張嗣宗

崑山人唐高祖鎮太原引為客授秦王經及太宗即位問君欲何官因謝不敢帝曰朕從

卿授經卿從朕求官何所疑乃頓首願為國子祭酒遂授之永徽中致仕

張鎮周

舒人武德間為本州都督到郡就故宅召親戚酣宴十日既而分贈金帛泣與之別言今

日鎮周猶得與故人歡飲明日則舒州都督治百姓耳自是境內肅然

張玄素

虞鄉人初仕隋為景城縣戶曹竇建德執將殺之邑人千餘號泣請代釋之唐太宗即位

擢侍御史遷給事中時治洛陽宮上書諫止魏徵嘆其有回天之力歷太子左庶子

張士貴

盧氏人善左右射隋末從羣盜攻剽城邑高祖招降之從征有功進爵虢國公貞觀中以

破賊功遷右領軍大將軍

張儉

字師約新豐人初檢校代州都督建平糴法貞觀中都督營州有征遼功兄文師太僕卿弟延

師右衛大將軍門並三戟

張法雲

號州人唐貞觀六年五月五日生年八九歲時兄戌安西朝往夕還故名萬回

張昌齡

唐貞觀末翠微宮成闕獻頌補通事舍人

張旭

字伯高吳人善草書嗜酒每大醉呼叫狂走乃下筆或以頭濡墨而書既醒自視以為神世號

張顛尉常熟有父老屢求判其狀張怒老人曰見公筆勢奇妙欲家藏之耳因問所藏書出其

父書旭視之天下奇筆也自是盡其妙

張公藝

壽張人九世同居高宗封泰山還幸其宅問曰何為九世不分藝書忍字百餘以對

張文瓘

字稚圭武城人為宰相時高宗造宮殿討四夷養廐馬萬匹文瓘上書諫止改兼大理卿

不旬日斷疑獄四百抵罪者無怨言後拜侍中諸囚皆垂淚卒贈幽州都督四子皆至三品時

號萬石張家弟文琮文琮

子錫皆為顯官有政績

張漬

天台隱士喻鳧贈詩有道士問名重四方招之句

張文琮

貝州武城人貞觀中為治書御史遷亳州刺史永徽初獻文皇帝頌優制褒美拜戶部侍

郎坐事出知建州刺史州尚淫祀不立社稷文琮下教曰春秋二社本於農今此州廢不立尚

何觀比歲田畝卒荒或未之思乎於是始建祠壇民悅從焉

張道源

井州人唐高祖時為大理卿年十四居父喪士人賢其孝縣令郭湛署所居曰復禮鄉至

李里張道源嘗與客夜宿客暴死道源恐主人忽怖卧尸側至曙乃告又徒步護送還其家

張仁愿

下邳人入境又為朔方總官築三受降城拜同中書

門下三品  
封韓國公

張知謩

字匪躬幽州涿人兄弟五人知玄知晦知泰知默皆登明經高第武后朝俱為顯官曉吏

治清介有守知謩歷十  
一州刺史尤見重于時

張錫

武后時為相請召還廬陵王  
不為張易之所容流循州

張齊賢

陝州人聖厯初為太常奉禮郎遷博士論禮制合古義累遷諫議大夫

張柬之

字孟將襄陽人少涉經史舉進士初以賢良  
召對策第一時年七十餘出為合蜀二州刺



史武后嘗求一奇士狄仁傑曰張柬之雖老宰相才也即召為洛州司馬轉司刑少卿拜同平章事誅二張復唐社稷以功封漢陽郡王出為襄州刺史卒謚文貞東剛直不傳會然遽于學論次書數十篇

張興

東鹿人性忠勇為饒陽裨將不肯從史思明亂且責之思明怒鋸解之興罵不絕口軍中為之改容

張說

字道濟洛陽人永泰中策賢良方正第一授校書郎遷左補闕累官同平章事後為中書令封燕國公朝廷大述作多出其手相州刺史河北道觀察使勤恤民隱有惠政

張無夢

永嘉開元觀羽士唐玄宗召對講易謙卦上問曰獨說謙卦何也無夢對曰方大有時宜

守之以讎復命講還元篇數對詳明  
玄宗大悅宸翰特賜以詩寵其還山

張嘉貞

蒲州人以五經舉坐事免後擢監察御史歷  
梁秦二州都督政以嚴辨開元中拜中書令

弟嘉祐任金吾衛將軍每朝軒蓋  
駟盈閭巷時號所居坊曰鳴珂里

張琬

解人父審素以雋州都督被誣為御史楊汪所  
誅琬徙嶺南久之逃還殺汪吏捕以聞玄宗謂

孝子不顧命殺之可成其志臨刑  
琬色自如曰下見先人夫復何恨

張祐

字承吉南陽人寓居蘇州有詩名白居易刺杭  
時江東進士多奔杭取解屬時以素望取士祐

自意必首薦既而徐疑冠多士祐遂偃蹇不隨  
鄉試令孤楚鎮天平表祐新舊格詩三百篇以  
獻祐至京師為元稹所抑寂寞而歸嘗自號釣  
鰲客會昌初李紳節度淮南壯其為人厚加禮

致祐長於宮詞掖庭多吟諷之杜牧守池與祐  
為詩酒友寄詩云誰人得似張公子千首詩輕  
萬戶侯當時以為故  
實大中間卒於丹陽

張廷珪

河南人慷慨有志尚第進士累遷監察御史  
按劾平直開元初大旱關中饑廷珪應詔上

疏官至少府監廷珪偉姿儀善八分書與李  
邕友善及邕躋于事屢表薦之人尚其方介

張守珪

陝州人慷慨尚節義開元中為瓜州刺史虜  
奄至衆失色守珪置酒城上會諸將作樂虜

疑有備不敢攻引去守珪縱兵擊大破之入拜  
右羽林大將軍子獻恭數有軍功累遷檢校吏  
部尚書

張九齡

字子壽曲江人七歲能屬文後擢進士又以  
道侔伊呂科高第為左拾遺玄宗千秋節上

金鑑錄以伸諷諭累遷中書侍郎嘗抑李林甫請誅安祿山以薦周子諒坐貶荊州刺史久之封始興伯卒諡文獻開元後天下稱曰曲江公而不名云

張九臯

九臯仲弟歷宋襄廣三州刺史季弟九章亦歷溫吉曹三州刺史天寶中為嶺南節度使

九臯子杭為侍御史杭之子仲方擢進士為諫議大夫秘書監卒贈禮部尚書諡曰成

張介然

玄宗時歷衛尉卿安祿山反守陳留久不知戰介然到屯不三日賊已渡河遂遇害

張果

唐開元中方士有長年術自言數百歲召至變化不測常乘白驢罷則如純疊巾筍用則以水

嚙之而去懇辭歸山賜銀青光祿大夫號通玄先生入常山不知所終

張從申

吳人善書世稱獨步擢第為秘書省正字弟從師從儀從約皆工書得右軍風規人謂四

絕

張聿

琅琊人嘉興軍華亭令吏民初犯書罪由于籍聽其自新再犯則舉籍勘照按論不宥府有征需量力受數稍至浮濫輒為禡去有以干乞至境上者聞民歌曰華亭君來幾時免我疾苦療我饑其人曰愷悌之政安可撓耶不謁而去

張弘

字敬禮吳人善篆隸飛白書妙絕當世人稱其飄若游雲激若飛電有飛仙舞鶴之態常帶烏巾人號張烏巾歐陽詢謂張烏飛白論入神品小篆亦入能品

張僧繇

梁人丹青絕代于安王寺畫二龍於壁不點晴云點即飛去人試點之須臾雷電破壁而

去不點者在焉

張蘊古

唐貞觀上大寶箴除大理丞有官李好德心疾妖言丞按實不當死治書侍御史權萬紀

劾奏蘊古阿縱太宗遽殺之既而悔魏徵諫萬紀等皆罪

張藻

字文通唐人善畫嘗手握雙筆齊下一為枯枝裂一為生枝潤澤一時號為神品自撰繪境一

篇官至祠部員外郎

張彖

為華陰主簿為守令所抑歎曰若立身矮屋中使人擡頭不得遂棄官去

張伯偕

與弟仲偕形貌相似仲娶妻新粧畢見伯偕曰粧好否答曰我伯偕也趨避之須臾又見

告曰向大誤認伯為卿答曰我固伯偕也大慚不敢復見

張志和

字子同金華人父游朝通莊列書為象岡白馬諸篇以佐其說志和肅宗時擢明經授錄

事叅軍親亡不復仕自稱煙波釣徒又號玄貞  
子李德裕嘗稱其隱而有名顯而無事不窮不  
達嚴光  
之比云

張巡

南陽人博通羣書曉戰陣法氣志高邁開元末  
擢進士第為清河令有治績後調真源令祿山  
反巡起兵討賊與許遠同守睢陽大小四百戰  
糧盡城陷罵賊而死贈揚州大都督郡人廟祀  
焉

張敦

浦江人為諸暨令海寇三百餘人剽掠為患  
敦悉平之轉重泉令民悅其化遷車騎將軍

張延賞

嘉貞子博涉經史通吏治大厯初除河南尹  
治行第一更四鎮所至民頌其愛後拜中書

侍郎同平章事子弘靖元和中同平  
章事繼祖父為相時號三相張家

張鎬

博州人儀狀瓌偉有大志好王霸大略仕至中書侍郎同平章事廉潔不殖資產善待士性簡

重論議有體天下推為舊德云

張鎰

字季權河南人為殿中侍御史黃原令盧樅為邑人所構有司以死鎰不直之理樅免死坐貶

撫州司戶叅軍大厯初為濬州刺史後拜相罷為鳳翔隴右節度使

張建封

字本立南陽人少喜文章慨懷尚氣代宗詔李光弼進討蘇常盜建封請前諭盜一日降

數千人德宗時鎮徐泗來朝召見眷遇異等比還鎮親詩賦以餞在徐十年一軍大治有文章

世傳

張名振

事李懷光為都尉懷光已立功奉詔倨甚名振大言曰太尉見賊不擊使到不迎將反耶



且安史僕固等今皆族滅  
公欲何為懷光怒拉殺之

張伯儀

魏州人以戰功隸李光弼軍浙賊袁晁反使伯儀討平之功第一擢睦州刺史後為江陵

節度使樸厚不知書然推誠  
遇人軍中畏肅民亦便之

張仲素

德宗時以例將事盧軍節度張允紳擢平州  
刺史允紳卒詔仲素代為節度使同平章

張徹

幽州節度判官至任過府軍怨其從事盡殺之  
而囚其帥且相約獲徹置之帥所徹出門罵衆

曰汝何敢反不絕口  
而死事聞贈給事中

張鷟

字文成深州人少聰慧絕倫為文下筆輒成舉  
進士擢考功員外郎累官至學士時稱其文猶

青銅錢萬選萬中號青錢學士孫薦敏銳有文  
辭累官左拾遺論盧杞姦惡進諫議大夫改秘

書少監卒  
謚曰憲

張萬福

元城人三世明經止縣令州佐萬福乃學騎射累官和州刺史鎮咸陽時李正己據江淮

漕船不敢踰渦口德宗召拜濠州刺史漕通陽城等論裴延齡帝怒萬福大言曰朝有直臣天下太平矣吾年八十與見盛事天下重其名官至左金吾衛將軍圖形凌煙閣

張仵

德宗時為臨洺守田悅攻之乘城固守累月士死糧盡救不至仵召部將立軍門命女出徧拜

因曰諸君戰良苦吾無貲為賞願以此女賣直為衆士一日費士皆哭曰請死戰會救兵至仵乘勝出戰無不一當百以功遷泗州刺史

張孝忠

德宗時為定滄等州觀察司使朱滔叛遣人說之答曰吾既為唐臣而天性撲強業已效

忠不復助惡矣乘  
城固守滔解去

張常洧

字巨川句容人父璋為建州司戶建中四年卒常洧廬於墓者三歲墓側生瑞芝十二莖

守土者表間旌異之其從孫公  
挺亦以孝稱人謂張世孝云

張九宗

遂寧人舉進士持節封侯歸典  
鄉郡凡宮觀碑銘多九宗所撰

張全義

河南尹初東都薦經寇亂戶不滿百全義招  
懷流散勸之樹藝刑寬事簡遠近趨之時市

出見田疇美者召田主勞以酒食有蠶麥善收  
者賜以茶綵有田荒穢者集衆杖之由是比戶  
豐實水旱無饑既去  
百姓思之立廟以祀

張惟儉

當塗人和州刺史與柳鎮友柳宗元曰先君  
之所與友凡天下之士舉集焉信讓而大顯

道博而無雜今世言交者以為端其見重如此

張籍

字文昌烏江人善古詩及書翰行草舉進士水部員外郎官至國子司業籍性狷直不容物是

時韓愈以文衡輕重天下士而籍為愈客且薦于朝自是名播人口一時賢士爭與之游

張仲武

范陽人會昌初為雄武軍使習戎事性忠義遷檢校工部尚書以破回鶻功進兵部尚書

詔李德裕撰紀功碑以告後世累官檢校司徒中書平章諡曰莊

張允伸

范陽人宣宗時為節度使累進中書平章封燕國公時徐州反出米五十萬斛鹽二萬斛

佐國用詔嘉之賜玉帶寶器進兼侍中卒贈太尉諡忠烈

張行成

字德立定州義豐人才局方正為富平主簿有能名召補殿中侍御史凡國有大政必預

議馬累遷尚書左僕射卒諡曰定

張承休

崑山人隋散騎常侍肩之孫也張說撰其墓志云希言篤行去華崇實非法不由非禮不

動精於理物敏於從政歷朝議大夫上柱國恒州刺史

張從師

蘇州人祖損之隋侍御史水部郎父浚碩學麗藻名動京師從師仕終河南府法曹叅軍

張說撰墓志云冲和純粹辯博閑達卓犖好古儻蕩逸羣忘懷樂道上元二年終葬虎丘西原

子惟儉惟靜弱歲皆精左氏穀梁春秋弟從約在藝苑傳

張鵬

德興人宣宗時為河東節度掌書記吐蕃犯邊鵬率數千騎敗之懿宗立表為瓊管五州招討

使人為金吾羽林二將軍屬蠻人渡瀘出為邕州刺史制置使

張無擇

字君選句章人性篤孝父死七日絕漿三年不櫛廬墓有醴泉芝草之瑞官至中散大夫

遷和州刺史

張濬

河間人汎知書史喜高論累官度支員外郎黃巢亂僖宗召拜諫議大夫為都統判官時王敬

武在平盧軍已臣賊濬諭以君臣大義敬武愧謝召諸將佐謂曰今勤王之師滿天下賊平將安往何不共誅大盜迎天子諸將曰諫議言是也敬武即引軍從濬而西賊平以戶部侍郎判度支後拜中書門下同平章事

張蟪

清河人乾寧二年趙觀文榜進士第授校書郎調櫟陽尉遷犀浦令偽蜀王建開國拜膳部員

外郎後為金堂令王衍遊大慈寺觀壁間題詩愛賞久之問誰為左右以蟪對因給札令以詩

進續上二篇衍尤嘉重將召知制誥宋光嗣以其輕傲駙馬宜疏之由是止賜白金千兩續生而秀穎幼能篇什有登單于臺詩知名當世

### 張遜

乾寧初為山陰令董昌反署置百官召遜知御史臺遜固辭曰王自棄為天下笑且六州勢不以邪說拒我囚之它日謂人曰我縱無遜何乏于事乃害之

### 張直

濮州人父楚平壽張令調長安值黃巢亂不知所終直幼避地河朔既冠以父失所在不遑寢處時盜賊蜂起道路梗塞直自秦抵蜀徒行丐食以覓父積十年不獲乃發喪服衰哀慕終身青州王師範再以書幣招致學館師範降梁直脫難北歸以周易春秋教授學者時號逍遙先

生

張訓

清流人楊行密據合肥訓往謁一見如舊授以親兵以功遷黃頭都虞候孫儒侵宛陵行密命

訓禦黃池遂襲歷陽取滁州儒焚廣陵走訓率先入城得穀數十萬斛以賑饑民陳可言據宛

陵訓破之遂以檢校右散騎常侍守常州刺史乾寧初授刑部尚書

張道古

字子美臨淄人乾寧間遷右拾遺上疏言國家有五微二亂貶施州司戶叅軍後王建召

不就遇害

五代張歸霸

清河人仕梁累官右龍虎統軍左饒衛上將軍嘗與張晁戰中流矢反拔其矢以射賊一

發而斃奪其馬而歸其驍勇如此弟歸厚善用弓槊能以少擊衆歷官鎮國軍節度使歸弁亦



善戰為滑州  
長劍指揮使

張藏英

范陽人後唐末舉族為賊孫居道所害藏英襲殺居道以祭其父母時稱為孝子仕後周

以刺史領邊任屢擊敗契丹刺史褒美之宋初為瀛州團練使升護國南軍

張誼

襄邑人幼孤好學諸父使督耕隴上誼閱書樹下舉後唐進士仕晉累官中書舍人初和凝拜端明殿學士署門不接賓客誼即致書以為四方利害所宜詢訪若不接賓客聲聲耳目坐虧

職業凝

大奇之

張仁謙

汝州人仕晉為北面行營兵馬都監匈奴不敢犯塞漢祖即位授西上閤門副使入宋平

李繼筠以功  
授象州刺史

張希崇

節度使在官不喜聲色善撫士卒招集夷落

明宗屢詔

褒嘉之

張澹

南陽人好學有才藻五代晉進士桑維翰器之

歷左拾遺禮部員外郎知制誥宋初加祠部郎

中權直學士院尋攝殿中監賜金紫澹

美風儀善談論歷官中外所至皆治

張憲

晉陽人沉靜寡慾少好學能鼓琴唐莊宗知其

能文以為天雄軍節度使掌書記累遷刑部侍

郎後為太原尹北京留守

張廷翰

陵川人仕周為護聖指揮使以平淮南功

遷鐵騎都虞候宋初為彰國軍節度使

張存敬

譙郡人為人剛直有膽略仕梁為將累

遷護國軍留後徙宋州刺史卒贈太傅

張保續

萬年人性介直好儉素初仕梁歷唐晉至宋為衛尉卿判閤門事前後四十年善宣贊辭

命今聽者傾簞累使藩國不辱  
從征李筠以疾留河內

張琳

眉州刺史繼章仇修通濟堰溉田一萬五千頃  
民被其惠歌曰前有章仇後張公疏決水利杭

稻豐南陽杜詩不可  
同何不用之代天工

張彥能

南唐楚州守將周世宗攻淮南淮郡皆降獨  
楚不下圍四旬守益堅城破彥能與其副鄭

昭業戰死所部千餘  
人皆死誓無降者

萬姓統譜卷三十八

欽定四庫全書

萬姓統譜卷三十九

明 凌迪知 撰

下平聲

七陽

宋

張煦

開封人開寶末累官昭州團練使知郾州徙并代鈴轄知滋州嘗在川蜀西夏累立戰功又能

明術數善相宅時稱其妙

張鑄

洛陽人五代時舉進士仕梁累官秘書監判光祿寺宋初加檢校刑部尚書鑄美姿儀善筆札老能燈下細書如蠅頭由晉以來徽號封冊皆鑄書之及卒身無兼衣家人鬻其服馬園圍以

喪

張觀

毘陵人南唐舉進士歸宋為彭原主簿復召拜監察御史終廣南西路轉運使觀廣覽漢史雅

好論事辭理切  
直有古人之風

張遜

博州高唐人初補左班殿直從征太原還遷文思副使官至樞密副使小心謹慎子敏中北部

郎中次子虛  
中閣門祇候

張美

字玄珪貝州清河人周世宗為樞密承旨因征淮南畱張美為大內部署行視宮城中多設

防備俄授三司使每條奏釐草上多可之太祖討李筠大軍十萬出太行經費無闕皆美積粟懷益之力後移鎮滄州改左驍衛上將軍卒諡恭惠

張令鐸

厭次人後唐時補小校宋初累官東京舊城內都點檢校卒贈侍中令鐸性仁恕嘗語人

曰我從軍三十年大小四十餘戰多推堅陷敵未嘗妄殺一人

張延通

潞城人父彥成周右金吾衛上將軍延通性穎悟有才幹宋初歷通事舍人開寶中為西

川兵馬監後為丁德裕所誣遇害

張錫

福州人初仕周歷監察御史補闕起居以右諫議大夫致仕宋初改給事中宰相范質以其無

子館于別墅錫以執政門下不可久居辭去卒于鄧州

張洎

全椒人有俊才博通墳典南唐時舉進士知制誥叅預機密江南平歸宋太祖責之曰汝教李

煜不降又草詔召上江救兵對曰犬吠各非其主太祖釋之拜太子中允後為翰林學士叅知

政事有文集五十卷子  
安期安回皆仕于朝

張諤

字昌言，歙人。能文，有吏材。初仕江南，為秘書丞，通判鄂州。王師南下，與州將許昌裔協謀歸款。

太祖召見，勞賜甚厚，授右贊善大夫、蜀平選知閬州。太平興國中，就除西川轉運使。先是，土人罕習舟楫，取峽江中競渡者，給漕運役。覆溺常十四五。諤建議，置威耀軍分隸，管勾自是無覆舟之患。後以三司度支判官出為荊湖江浙等道制置茶鹽副使，以子秉故累贈太子太傅。

張永德

字抱一，陽曲人家。世饒財，父穎，晉安州防禦使。永德仕周，屢立戰功，至檢校太尉。宋初，加

侍中，授武勝軍節度使，復立戰功，封衛國公。

張瑀

館陶人有勇力，善射。太祖在周時，討壽春，乘皮船入城，濠城上車弩遽發，瑀亟以身蔽太祖矢。



中瑀股死而復蘇破骨出鏃神色自若太祖即位累官至殿前都虞候及卒家無遺財

### 張昭

字潛夫濮州范陽人父直有孝行通經教授學者號逍遙先生昭博洽經史兼善天文風角太

一卜相兵法處亂世躬耕養親仕後唐晉漢累官翰林學士戶兵部尚書封舒國公宋初為吏

部尚書改封陳國公有文集五十卷

### 張詠

濮州鄆城人太宗時進士兩知益州築隄灌田萬餘頃威惠及民民皆信服後以江左旱充昇

宣等十州安撫使遷吏部尚書知陳州卒贈左僕射謚忠定詠剛方自任為治尚嚴猛自號乖

崖以為乖則違衆崖不利物有文集十卷太祖時守成都兵火之餘人懷反側一日合軍旅大

閱始出衆遂嵩呼者三乖崖亦下馬東北望而三呼復攬轡行衆不敢譴趙濟畏之龍圖乖崖

孫婿也嘗以此事告韓魏公  
公曰當是時某亦不敢措置

張靄

字伯雲浦城人為侍御史太祖方彈雀于後苑靄急請入奏事及見所奏乃常事帝怒靄曰臣

以為尚急于彈雀帝色愈厲以斧柄擗其口墮兩齒靄徐拾之帝曰欲訟朕耶靄曰臣不能訟

陛下自有史官書之耳

張直

濮州范縣人有孝行後唐莊宗時累官監察御史裏行明宗天成中拜為左補闕直史館撰莊宗實錄清泰中預修明宗實錄遷御史中丞後晉天福初從幸汴州宰相桑維翰薦為翰林學士開運中修唐書成加金紫階進爵

邑至宋初拜吏部尚書封鄭國公

張雍

安德人治毛詩開寶中進士知南雍州端拱中累官右諫議大夫後以尚書右丞致仕雍蒞事

勤恪恃其清幹受遇于時所至藩鎮宴犒悉皆裁節集會賓佐糲食而已

張嶠

字景山崇安人太傅靄之長子也五季之亂隱于武夷之陽漁釣自適無仕進意會父靄仕周為蘄州刺史唐主間之遣吏召嶠不就遂拘以住後江南國滅歸宋嘗通判歙州適廬山盧絳竊發嶠與太守龔慎儀設方略禦之時賊勢方盛郡兵單弱或請少避嶠不聽曰吾不敢負國有死戰而已盜亦隨息後官至司門員外郎請老歸里尋詔入朝太平興國間充右贊善大夫知博州遷御史中丞累贈工部尚書弟岐子放

張綸

字公信潁州汝陰人太宗時擢荆湖提點刑獄歷知辰渭州遷江淮發運副使權知泰州復逋戶二千六百民為立生祠後又知秦瀛滄潁州綸有材略所至興利除害有循良之政

張東

字孟節歙人諤之子太平興國中試進士儀狀豐麗屬詞敏速善書翰太宗嘉之擢置第二出

入中外累歷要職遷監察御史深為宰相趙普所器以弟之子妻之歷遷為度支員外郎知制

誥同判吏部流內銓知審官院後知河陽澶滑二州真宗北巡迎謁境上俾預從官侍食駕還

召歸東封詔與知制誥禮汾陰為東京留守轉禮部侍郎加樞密直學士再知并州將行上作

五言賜之從相州卒年五十六秉典藩府無顯赫譽好飾衣服潔饌具家甚貧常質衣以給費

張昭允

衛州人初以父蔭試大理評事端拱初為雄州監軍敗契丹景德中累遷右神武將軍善

筆札習射  
曉音律

張凝

無隸人少武勇節帥張美召置帳下太宗在藩邸聞其名以為天雄軍駐泊都監真宗時契丹

南侵凝率部兵伏瀛州奮擊陷敵凝子昭遠年十六從行即單騎突入陣中掖凝出左右披靡不敢動累遷靈州副部署燕安撫使大破契丹契丹不敢略奪加殿前都虞候及卒家無餘財前後賞賜多以犒師其廉類此

張進

曲阜人拳勇善射挽強及石余初應募選補控鶴軍太宗時累遷并代副都部署適李繼遷寇靈州進不待詔旨即發兵赴援手詔褒美

張茂直

字林宗兗州瑕丘人父延昇以經術教授鄉里茂直淳謹寡言勵志于學開寶中舉進士為海州推官太宗朝累官秘書少監出知潁州子成列進士及第

張齊賢

寬句人兵亂徙家洛陽太祖幸西都齊賢以布衣獻策上還語太宗曰我幸西都唯得張

齊賢爾異時可使為相太宗朝舉進士慷慨有大略累官吏部侍郎同平章事進右僕射以司空致仕卒

諡文定

張質

字守朴高唐人太宗時為樞密院史累遷都承旨

在樞要五十年練習事理精敏端慤未嘗有過真宗嘗問五代以降軍籍更易及利害之詳質纂為書目曰兵要以進真宗覽而稱善

張宏

字巨卿益都人高祖茂高唐易定節度使曾祖玄易州刺史祖持蒲城令父峭業春秋一舉不

第退居丘園宏太宗朝進士累官樞密副使卒贈右僕射

張頴

端拱元年為慈溪令廉潔自持邑人號為張清

清太宗賜詔獎諭若曰令長之任得以施異政而親吾民也爾膺茲遷擇綽著強明勤以奉公廉以守道達於聽覽深所歎嘉愈勵精勤當俟

明陟民立廟祀之縣  
有清清堂以頹名也

張士遜

字順之陰城人為人寬厚不言人過淳化間舉進士調鄆縣主簿累官同中書門下平章

事後拜太傅封鄧國公致仕卒年八十六諡文懿子友直累官工部郎中友正以書名神宗評其草書為當時第一

張平

青州臨朐人初宋太祖尹京兆置其邸及即位召補右班殿直監市木秦隴期歲之間良材山

積太宗嘉其功遷供奉官監陽平都木務兼造船塲舊官造舟成以河流湍悍凡一舟調三戶備其漂失平穿池引水繫舟其中不復調民又以捕盜功改崇儀副使遷掌陽平署卒贈上將軍

張思鈞

沙河人祖中正漢澤州刺史思鈞善擊劍挽強初補龍衛指揮使歷綿漢等九州都巡檢

累立戰功遷左千牛衛將軍卒年八十九思鈞質狀小而精悍太宗嘗稱其樓羅自是人目為

小樓羅

張知白

字晦之清池人幼篤學中進士累官河陽節度判官時西北未寧中外多言兵事獨知白奏疏謂當茂農功省刑罰及取士之制真宗異之仁宗時官至中書門下平章事知白在相位

慎名器無毛髮私雖貴儉約如寒士卒諡文節

張去華

字信臣諡子幼勵學敏于屬辭建隆間舉進士甲科累官工部侍郎致仕去華善談論尚義節嘗獻元元論大旨以養民務穡為急真宗命寫其論列置龍圖閣四壁有文集十五卷子



師古師顏皆國子  
博士師錫殿中丞

張耆

字公弼開封人年十一事真宗于潛邸及即位  
累遷宣徽南院使兼樞密副使時建玉清宮者

奏疏謂殫國財力非所以奉天意後封鄧國公  
以太子太師致仕子希一皆歷知數州

張師德

去華子最見器重真宗時汾陰獻大禮頌于  
行在是歲舉進士第一累官至諫議大夫孝

謹有家法時相頗不  
悅之有文集十卷

張禹珪

字天錫知澶州頗勤政治以瑞麥生獄隙地  
下詔嘉獎會河堤決溢禹珪率徒塞之宰相

王旦使兗州還言其狀優  
詔褒之拜洺州團練使

張旦

趙人勇敢善射以經學中第為國子博士淳化  
中知陵州真宗即位遷兵部員外郎改尚食使

知德清軍景德中契丹入寇與其子利涉奮擊  
並戰沒上聞之驚悼特贈左衛大將軍深州團

練使利涉

崇義副使

張沔

浦城人大中祥符初進士歷官侍御史排  
擊奸佞不避權貴端亮有操無愧清議云

張存

世家深州父嗣質徙冀州存舉進士天禧中累  
官侍御史積遷至禮部尚書出入中外七典州

魔更持漕節皆錚然有聲性孝友家居矜莊子  
孫非正衣冠不見調恤宗族不使一人失所卒

諡恭安司馬  
光其壻也

張希一

字簡翁以耆任至引進使歷知諸州及諸路  
鈐轄總管累使遼及館客遼人嘗以雄州禁

漁界河及役白溝兩屬民為言希一曰界河之  
禁起于大國今文移尚存白溝本輸中國田租

我太宗特除之自是大國侵牟故名兩屬  
遼人詞塞以均州防禦使提舉集禧觀卒

張若谷

字德謙沙縣人進士及第為巴州推官以禦  
賊受知于真宗歷處州徙杭州會歲饑發廩

為粥以賑所至實心為民不  
激訐取名而自有循良之政

張鑑

藏英孫本將家能嗜學舉進士太宗時為侍御  
史真宗朝以工部侍郎出知廣州民條其政績

上請立石子士庶士  
宗士程皆仕于時

張擇行

字行先益都人歷官右司諫與唐介包拯共  
論張堯佐除節度宣撫兩使不當語甚切遷

侍御史終集  
賢院修撰

張佖

燕人父昉殿中少監佖少有志節涉獵書史善  
騎射有方略太宗時為利州轉運副使真宗時

為益州鈐轄甚有威惠

子宗象兵部員外郎

張希顏

景德間知開鄉縣時張詠問殿直范延貴曾見好官員否延貴乃稱希顏詠問何以知之

答曰昨過其境驛傳橋道皆修葺葺野無惰農肆無賭博市易不誼夜宿邸中更鼓分明以是知

其為好官員也

詠乃薦于朝

張唐卿

字希元青州人幼好學篤行景祐元年登進士甲科通判陝州民母再適人而死及葬其

子盜以歸與父同葬有司請論如法唐卿權郡事曰是知有孝不知有法爾釋之而聞於上聞

者莫不嘉之以父憂瘠嘔

血而卒年二十八無子

張岐

字邠卿崇安人太傅霽之次子也登端拱二年進士第調酸棗尉繼授大理評事遷司直治獄

有神見隨事立決由是深為真宗識擢屢出諸路決疑獄以勞遷將作監丞至道末坐累出知永新縣政尚廉簡吏不能欺

### 張拱

汴人累舉進士不第賣藥宜春門忽有道士抵其肆授以棗七枚食之自是不食踰二年溲矢俱絕神氣明爽日可行數百里後遊名山不知所終

### 張弦

江津人舉進士召對直言累仕湖廣總領精神滿腹長於策筭至和初知雷州暇日延長老授諸生條教初雷俗鄙陋常以宗子為長易數世諸父反拜弦諭以長幼親疎悉更舊習又增治城壘闢田澮水為久遠計雷人愛敬之

### 張田

字公載澶州人第進士為應天府司錄以歐陽修薦通判廣信歷知數州治有善迹知開州日

嘗作欽賢堂繪古清刺史像

日夕師拜之官至直龍圖閣

張洞

祥符人父惟簡太常少卿洞讀書日數千言為文甚敏未冠曄然有聲仁宗時以布衣上方略

尋第進士累官工部郎中洞在館閣久數有建明仁宗以為知經因賜飛白善經字寵之

張方平

字安道宋城人少穎悟絕倫書一閱不再讀累官叅知政事南京留守知陳州以太子少

師致仕卒謚文定初守蜀時得蘇洵與其子軾轍深器異之嘗薦軾為諫官晚受知神宗王安

石方用事巖然不小屈以是望高一時

張逸

滎陽人舉進士歷知鄧城長水青神尉氏縣後以樞密直學士知益州民有殺人以誣人者吏

受財令殺人者守囚逸曰囚色寃守者氣不直豈守者殺人耶囚始敢言而守者果服立誅之

凡四為益守而政多便于民

張昇

韓城人舉進士為楚丘主簿忠謹清直仁宗時累官至樞密使英宗時請老帝曰太尉勤勞王家詎可遽去命五日一至院後以太子太師致仕卒諡康節

張頡

桃源人兄顥慶厯初進士以材幹聞頡皇祐初亦第進士任州縣有能名歷廣東西等路轉運使以開請推重於時後知荆南府

張及

知臨邛縣太守欲引水泛舟遣吏於縣決堰水時農事方興及曰涸民田以事嬉遊可乎令可去水不可導守欽容謝之

張亞卿

洛客人種學績文瀕老不衰皇祐初擢第廷對見黜後不預計偕郡守鮑安丘奇其才以

遺佚薦尋登鄭綱榜進士官至朝議郎廬州通判

張忠

字聖昆開封人慷慨不事生產仁宗時累官知滄州徙澶州總管會河決商胡詔留戍滿卒以助堤役輒羣譟將劫庫兵為亂忠潛捕倡前者數人斬以徇乃止

張景憲

河南人以父師德任為淮南轉運副使屬官不法者多被舉刺累遷河東都轉使終知同州居官不畏強禦自負所守于人少可許母卒一夕鬚髮盡白

張觀

字思正絳州人以資政殿學士知相州徙澶州河壞孫陳埽及浮梁州人大恐或請移北原以避水患觀曰太守獨去如州民何乃躬率徒卒塞之堤完水亦尋止趣多怙曠持廉白仁宗嘗飛白書清字賜之以賞其節



張荷

壽先人師事种放與  
性高潔為文奇過非九篇放謂隋唐以來

之士罕能及之  
有詩文三卷

張玉

保定人隸狄青麾下善用鐵簡仁宗稱為真勇  
將從征儂智高有功擢廣西鈐轄王韶開熙河  
玉為副都總管河北置三十七將以  
玉為第一將入為馬步軍都虞候

張傳

譙人進士及第真宗時知奉符縣累官工部侍郎  
傳七為監司所至審覈簿書勾擿姦隱州縣  
憚之傳曰奚為我憚哉吾所以事事致察者正  
所以愛州縣也吏不敢慢則州縣不復犯法矣  
人亦以為然

張倣

字希古崇安人第進士調崇仁令修粹堰萬金  
坡以增灌溉蠻嘗寇近境視倣有備亟引去倣

乃慈以撫之後監鎮州糧料眞宗幸澶淵聞倣名累遷太常博士仁宗時歷知容毫泰泗岳吉六州會江淮發運張綸舉倣自代再命知泰州復歷數郡官至工部侍郎

張日用

靜海人知新昌縣見郡曹掾之子鄭獬奇之妻以女後果魁天下文彥博宣撫河北日用

謂彥博此行須得便宜行事請于上遂許之擒王則實日用參裒之力也

張次山

日用子少俊邁有才年十六即入仕調泰興簿因開河部夫整肅工力多先辦包拯薦諸

朝清名直節見知于司馬光遂知秦州有鶴訴于庭次山呼兵官使隨去乃其雛為人所烹次

山為斷治

鶴始退飛

張瓌

字唐卿洎孫舉進士除祕閣校理遷淮南轉運使三司責羨財瓌以賦數民貧對當官遇事輒

言觸忤勢要至  
屢黜終不悔

張昇

字果卿仁宗時知開封府內侍楊懷敏夜直禁中而衛士為變皆極論之昇性質樸不善擇言至斥張貴妃為一婦人謂懷敏得志將不減劉季述仁宗讀之不懌以語陳升之升之曰此忠直之言不激切則聖意不可回矣帝乃解

張君平

涇陽人以父承訓與契丹戰沒補官屢立戰功遷右班殿直天聖中為滑州修河都監塞決河遷鈴轄卒君平有吏材尤明于水利自議塞河朝廷每訪以利害子輩為河陰發運判官

嗣其父  
職云

張先

字子野烏程人康定初進士詩格清麗尤長于樂府有雲破月來花弄影浮萍破處見山影無

數楊花過無影之句時號為張三影官至都官郎中

張綬

德興人嘉祐中權將作監丞按實宋用臣事以聞上直之后除太府少卿諫蔡京議置大錢以

二當十為不便上關曰慶厯已行自是歷外任十八年

張庠

永新人博通經書嘗著闕靈正言二書以折佛老作元經圖以推五行六度之祕鄭獬吳處厚

錢明逸輩皆師之號白雲先生

張君房

安陸人為著作郎真宗時日本遣使入貢詔本國建寺夷使乞詞臣撰寺記夷使受命而文

多君房代為之既宣令撰寺記夷使受命而君房醉飲市樓索之不獲直院大窘後楊億改問忙令曰世上何人最號忙紫薇失却張君房或謂君房非醉但假此以拒夷俗耳

張景

公安人仁宗召見問曰卿在江陵地有何景對曰兩岸綠楊遮虎渡一灣芳草護龍洲曰所食

何物對曰新粟米炊魚子飯嫩冬瓜煮蟹裙羹

張商英

字天覺新津人負氣倜儻治平登進士累官翰林學士遷尚書右僕射初知諤州蔡京欲

推方田於天下又築園土以囚罪人商英謝表云方田擾安業之民園土聚徒流之惡此語一出其名益重後以觀文殿學士知河南府

張唐英

字次功少苦讀書至經歲不知肉味仁宗時及進士第翰林學士孫抃得其正議五十篇

以為馬周魏元忠不足多薦試賢良方正不就調穀城令縣圃歲畦薑貸種與民還其陳復配賣取息銓曹指為富縣唐英至空其園植千株柳作柳亭其中聞者咨美

張咸

綿竹人唐宰相九齡弟九臯之後父絃舉茂才異等知雷州有治聲咸舉進士賢良兩科其對策之語有曰臣寧言而死于斧鉞不能以不言而負陛下

張津

以右朝散大夫直秘閣主管沿海制置司公事乾道間歷兩任舉鄉飲酒禮每歲以正月二日即州庠行釋菜之儀率僚佐與鄉士大夫及他方之流寓者叙齒會拜於講堂三爵而退遂以為常時惠光院嘗有妖僧塑神像納老烏其腹以術呪之禍福人以邀利民有災患者不禱其神則不寧津知之追妖僧至庭下具得姦狀遣吏剖像果有烏焉斷其僧而逐之境外民以安息邦人立祀于學津初作四明圖經實郡志所始也

張昌宗

漢陽人處家以義歷八世不分馮京有詩一水縈迴繞沌村子房苗裔此間存同居八世

三千口可惜君恩未表門嘉定間孫杓守漢陽嘉其義捐俸代其納稅事聞表曰義門

張泌

字順之浦城人父彞憲貢禮部不利放懷林壑間泌篤學為揚億所稱祥符中登進士歷知寶

應縣慶厯中以章得象薦召試館閣累遷秘書丞獻經國遠猷十篇仁宗嘉納除右正言知諫院奏乞減後宮浮費抑權倖請託之弊改殿中侍御史坐論張堯佐出知維川召為侍御史遷禮部侍郎給事中進刑部尚書卒泌在臺會趙元昊圍延安泌五上章極論守將郭勸鉉轄李謂當斬二人坐貶出及卒仁宗悼之曰朕方大用不意遽亡贈開封儀同三司

張伯玉

建安人知太平州日語司戶曾鞏曰吾方作六經閣子為我記之鞏呈稿終不合意遂自

為之曰六經閣者諸子百家皆在焉不書尊經也鞏一見畏服

張揆

歷城人舉進士仁宗時擢天章閣待制兼侍讀一日進讀漢馬后傳因言令妃族太盛宜裁損

使保其家帝嘉納之加翰林侍讀學士知齊州弟拔初篤學舉進士歷遷龍圖閣直學士知成

德軍以戶部

侍郎致仕

張畧

府谷人慶歷初為麟府路巡檢使有膽略善騎射時西夏阿遇背約畧徑造帳中諭以逆順阿

遇語屈因撫畧背曰真

男子也歸所寇如故

張問

字昌言襄陽人進士初通判大名府郡牧地在魏歲久冒入於民有司按舊籍括之至毀室廬

發丘墓問具以聞仁宗曰吏用心如此民何不

安立罷之熙寧末知滄州自新法行問獨不阿時好歲饑為帝言民苟免常平助復之若反以得流亡為幸語切直驚人



張琄

以御史知宣州因家繁昌千口同居內外肅然楊傑書義居二字遺之孫崇熙寧三年進士官

至太常丞

張繹

壽州人少家貧發憤力學遂以文名會伊川自涪還遂往受業伊川稱其穎悟卒偉又曰吾晚

得二士謂繹與尹焞也

張鑄

晉陵人祥符中進士甲科歷知四郡五任漕憲皆有政績嘗師南陽王安石出其門後以光祿

致仕

張巨

武進人嘉祐中舉明經少從胡瑗游蔣之奇胡宗愈丁隱為四友以薦充國子監直講王安石新經行巨即引去時論高之有文集四十卷易解十卷

張昱之

鑄姪進士及第補樂清尉通判常州知溫州蔡齊薦其才可用累遷天章閣待制河北都

轉運使善吏事所至有聲後知湖州徙揚州以光祿卿致仕子次元

張舉

常州人進士甲科養其親不忍去左右閉戶讀書四十年手校數萬卷窮經著書范祖禹蘇軾

文章薦其高行詔拜校書郎竟不出舉孝弟忠信蹈中守常為當時所重卒賜諡正素先生

張次元

以父任累轉太子中舍提舉淮南路市易事以稱職間知信陽軍興學校延置望士學者

感學術業自勸代還除江淮荆浙福建廣南提點坑冶鑄錢司事躬自巡歷務革積弊卒于道山陽徐仲車聞之歎曰張公賦性高明義而能果公不可挽清不可汙考其所尚蓋有志于古之所謂剛者鄒浩為叙次其行事

張亢

字公壽臨濮人少有奇才舉進士為涇源鈴轄知渭州善于教閱屢敗夏人後為徐州總管好

施輕財凡燕犒皆過于厚馭軍嚴明所至有風迹民圖像祀之

張守約

濮州人以蔭累官定州路駐泊都監夏人萬騎來寇守約簡兵五日進戰挺身立陳前自

節金鼓發強弩殪其酋敵遂退歷守七州皆有惠愛可紀終于都指揮使

張奎

字仲野臨濮人舉進士累官河東都轉運使知河南府以能政聞京東盜起以奎知鄆州數月

捕盜悉平奎治身有法度風力精強吏不敢欺子燾舉進士歷州縣皆有治績累官至龍圖閣直學士判太常燾才智敏給英宗時三司前奏事帝詰鑄錢本末皆不能對燾悉論無隱帝是之

張載

字子厚郿人舉進士為祁州司法歷渭州簽判召為崇文殿校書同知太常理院為人志氣不羣初喜談兵及釋老書反而求之六經既見二程子盡棄異學而學焉神宗立召問治道以漸復三代為對與執政不合告歸居橫渠危坐一室潛心精思教人以禮關西之士翕然宗之所著有東銘西銘正蒙擴聖賢所未發卒諡曰明淳祐初封郿伯從祀孔子廟庭

張戢

載弟篤行不苟為一時師表閩中稱為二張舉進士仕至監察御史裏行累章論王安石亂法出知公安縣徙監司竹監至舉家不食笋

張吉

合水縣人熙寧間淮安鎮守烽卒夏人寇東谷掠得之脅以兵使呼城中言淮安諸砦已破宜速降吉反其辭曰努力諸砦無虞賊糧盡且去矣毋庸降賊怒害之至死罵不絕口事聞贈內

殿崇班又  
錄其子

張根

字知常德興人元豐間進士調遂昌令乞恩封大父母遂致仕徽宗召詣闕上書願陛下清心

寡欲以窒禍亂之源積官至淮南轉運使屢建言皆指切時弊權倖側目後安置郴州

張攀

字從龍常熟人由太學生登進士知溧水縣嚴州通判監登聞鼓院慶元通判知興國軍除將

作監丞太府寺丞秘書丞詮次中興館閣書目凡一萬四千九百四十三卷上之兼權右曹郎官再命拜殿中侍御史兼侍講除起居郎兼崇政殿說書嘉定十六年卒年七十贈通議大夫集英殿修撰攀寬厚易直遇事開誠無一毫矯飾幼年郡試不肯減年為欺家世清白持之益堅仕州縣以循良稱在朝廷以靖恭著有益齋文集奏議漢唐論

張翹

沅陵人神宗時章惇經略湖北上書言南北江利害惇衛之或以告翹曰苟利於人不惡也

惇無以害晚居深山中以文史自娛杜門不出幾二十年鄉人高之

張文規

高安人好學有文以年格奏名官至奉議郎勲飛騎尉贈奉直大夫蘇子由孔武仲潘興

嗣何正臣  
皆與之遊

張廷堅

廣安人元祐進士薦為右正言踰月章數上訟司馬光呂公著之寃論蔡京章惇之罪薦

蘇軾蘇轍之賢忤執政意謫

官卒贈直徽猷閣諡忠愍

張鑒

字柔直懷安人舉進士為小官不與世詭隨後守南劍州討平建寇以勞累官至直龍圖閣知

虔州又蕩平餘寇進秘閣脩撰南劍民思之為立廟

張詵

字樞言浦城人第進士通判越州神宗朝為陝西轉運副使召對帝曰朕未識卿每閱章奏獨卿與蔡挺有所論請令人了然累遷龍圖閣直學士知杭州詵性孝友廉于財平生不置田業云

張珪

岳池人嘗讀書於羊山之角竹洞元豐中舉進士累官至諫議大夫

張覺民

文州人遊太學元祐間第進士後與馬涓等上書忤權貴坐黨錮退居成都與張正已等遊號草堂先生所著有歌詩雅著百餘篇

張頡

字仲舉昇州人第進士調江陵推官歲饑遣使安撫頡條獻十事活數萬人知益陽縣縣接梅山溪洞多蠻獠出沒頡按禁地約束召徭人耕墾上其事不報累遷開封府判提點江西刑獄

廣東轉運使熙寧中章惇取南江地建沅懿等州克梅山與楊光僭為敵頡言南江殺戮過甚無辜十八九浮尸蔽江民不食魚者數月惇疾其說欲分功啖之乃言頡昔令益陽首建梅山之議今日成功權輿於頡詔賜絹三百匹

### 張樞

字子發零陵人性豪爽善屬文紹聖中以太學生上書言益后事不報姪子紆字公飭志高尚游張子巖先生門與張南軒為友

### 張徹

景陵人元祐中七持使節八割郡符公清超邁計口受俸其遺表云神雖去幹忠不忘君兄徹以詩名所著有滄浪集司馬光范純仁皆與之友善

### 張整

鄮陽人初補供奉郎為利文州都巡檢使歷涇原真定京東環慶鈐轄莅軍嚴明哲宗嘗訪于



輔臣召之對擢為龍神衛四  
廂都指揮使官至威州刺史

張肅

舒城人以直諒稱仕為廣東轉運判官後為江  
東提點刑獄自司馬光而下七十有四人分韻

作詩以贈其行皆一時  
名流其後三世登第

張近

開封人第進士累官大理正受鞠治呂惠卿哲  
宗諭曰此出朕命毋畏惠卿對曰法之所在雖  
陛下不能使臣輕重何畏惠卿也  
官至顯謨閣直學士知太原府

張忠輔

宣和末為將同崔中折可與守崞縣金人來  
攻忠輔固守拒敵中有二心設伏斬忠輔首

以畀金人可與  
以不屈見殺

張虛白

鄧州南陽人通太乙六壬術留心丹竈遇真  
人得秘訣宋徽宗聞其名召管太乙宮恩賚

無比虛白官太虛大夫金門羽客出入禁中終  
日論道無一言及時事曰朝廷事宰相在非予  
所知也金人尤重之以為神仙忽一日曰某年月日吾當他去至期果然

### 張枬

字材仲敦之子知遂安縣方臘寇嚴兵入遂安  
縣丞簿尉皆遇害枬力戰刃中脅擁入巢穴枬  
諭以逆順禍福賊不敢害出之賊繼授首改知  
歸安縣陞臨安府通判歷知泰潤衡三州皆以  
惠愛稱卒年七十八終

朝議大夫贈正議大夫

### 張輝

字子充永嘉城南人天資謹飭喜問學自六經  
諸子書歷代史記下至百家之說皆通習其辨  
析精微旁引證據論議疊疊雖老儒先生莫能  
屈也游太學屢先多士傳誦為楷式兩以親計  
哀毀幾不勝衣廬于墓者三年作霜露  
堂以享有甘露降于庭人謂孝感所致

張伯常

河南人隱而不仕移居郢州司馬光送以詩曰楚江白遠迤楚山碧參差玉炊稻粒長縷

切鱸  
魚肥

張建侯

為辰州守政和間黃安俊叛圍鎮江寨建侯與盧陽令王憲之率兵救之衆潰俱被執賊

迫使諭寨中人出降建侯給諾至寨下大呼曰為人當識順逆我萬無求全汝等堅守勿懷二心賊怒俱害之郡人哀其忠立祠祀焉

張大年

浦城人政和中進士知萍鄉縣時敵數入江浙羣盜起萍鄉為江湖要會日閱民伍教

以兵法聲聞四境盜不敢入廣西帥周因辟為經略司幹官會營道蠻獠恃險為逆帥司以兵屬大年遂分據要害持久以待之賊果以饑潰海寇陳韜等出沒為兩廣患帥司復奏大年通

判瓊州討之賊聞其威略率  
衆來降加秩二等倅道州

張來

淮陰人十二歲能文弱冠第進士歷官太學錄  
遷史館檢討顧義自守澹如也紹聖初以直龍

圖間知潤州坐黨謫官徽宗召為太常少卿復  
出知潁汝二州又坐黨籍落職來有雄才筆力

絕健誨人作文以理為主謂六經諸

子百氏皆寓理之具學者以為至言

張綱

字德堅金壇人徽宗時以上舍及第蔡京王黼  
用事綱為所忌遂奉祀家居高宗南渡復召用

之累官叅知政  
事卒諡文簡

張運

貴溪人宣和中擢進士為藍山縣尉有平寇功  
累遷通判鼎州張浚平賊楊么運力為多後知

達州方大旱入境而雨奏除病民五事歷官大  
理少卿刑部侍郎獄為之空金人渝盟遷戶部

侍郎以專餽餉後以  
敷文閣待制祠卒贈

### 張闡

字大猷永嘉人博涉經史善屬文宣和中進士  
紹興中為秘書郎秦檜曰君久次欲以臺中相  
處何如闡謝曰得老死秘書幸矣檜默然後官  
至工部尚書卒贈端明殿學士闡數上疏指陳  
時事無不剴切朱熹曰知和  
議之非者惟胡銓張闡耳

### 張樸

根弟大觀間第進士累遷侍御史嘗言朋黨分  
攻非朝廷福時郎員冗濫徽宗喻樸使論列廼  
摘其庸謬者疏斥諸外後蔡攸引  
為道史檢討官召試中書舍人

### 張燾

字子公根子宣和間進士第三高宗時為吏部  
尚書時與金和燾詣河南修陵寢還言此雖萬  
世不可忘尋知成都府兼安撫使有惠政蜀人  
祀之孝宗時遷叅知政事辭不任卒諡忠定平

生清修簡靜頗喜大

書得顏魯公筆法

張汝明

字祖舜廬陵人兄汝賢元豐中為侍御史以論左丞王安禮與俱罷汝明元祐間舉進士

歷官州縣二十年率多惠政徽宗召拜監察御史即日劾蔡京等後知岳州卒汝明性至孝執以母喪水漿不入口三日病羸行輒踣夢父授以服天南星法用之驗人以為孝感所著有易索

書張子

危言

張嶠

字巨山光化人善屬文宣和中第除祕書省正字累遷司勳員外郎金人叛盟高宗召兩省草

檄以進獨取嶠所草擢中

書舍人終敷文閣待制

張大中

通州人羣經百氏一覽不忘人目為黑漆書厨宣和間舉進士授南浦令時稱為古廉吏

累官果

州通判

張確

字子固邠州宜祿人元祐中擢進士第徽宗即位應詔上書言十事宣和中青溪盜起確言此

皆王民但庸人擾之耳願下哀痛之詔省不急之務租賦之外一切寢罷敢以花石淫巧供上者死撫綏有附母以多殺為功決旬之間可以殄滅忤王黼意通判杭州攝睦州事有自城中逃歸者悉宥訪得虛實以告諸將用其言盜平知方汾二州後知隆德府以不降金死節欽宗悲悼之贈述古殿學士召其子宗慰撫之曰卿父今之巡遠也

張哿

初名駕字安時沙縣人熙寧九年登第徽宗朝宗子博士改太常博士賜對擢監察御史大臣

有議作

截縣騷然哿請付將作監民不得齋宮以官者董役

俱隸臺察而閣門殿中監多嬖闕獨不  
開怙寵者無聞  
寄請隸臺察比他司從之未

踰月輒復故寄請罷從工部員外郎知興化軍  
召還再除知信州以工部郎中知廣濟軍卒

張敦義

字行可建寧人紹興甲戌第進士授醴陵尉  
以清廉稱調衡州司理多所平反有尉獲盜

未應賞格乃羅織平民以充數敦義被憲檄聞  
實廉得其狀憲與尉同里諷使苟同不從憲怒  
欲劾之敦義毅然曰天可欺乎吾寧  
以一官易數人命乎平民竟獲免

張慤

樂壽人元祐中進士累遷龍圖學士計度都轉  
運使高宗為大元帥諸道勤王慤飛輓踵道以  
便宜為北京留守馬步軍都總管聞二帝北巡  
狩極論中原不可一日無君建炎初同知樞密  
院事在朝諤諤有大臣節及卒上  
念之曰古之遺直也賜諡忠穆



張文之

字子經樂平人中書舍人顯之子初通判滄州金兵至守孔福謀夜逸文之曰果爾輕動

奈一城何自提兵出登橫澗山與敵持十餘日經二十餘戰無外援力不能支具袍笏東望拜曰彼衆我寡臣惟有一死被敵執送燕山欲授以官義不屈囚之土窟且曰吾世受宋恩其忍負國敵重之稍寬桎梏後王忬申和議見文之羈苦狀為請於酋得一家書附忬還奏當宁悼嘆月給恤其家官其子孝忠

張璉

貴池人篤於孝友歷數邑治劇有聲後知鳳州卒其父洵嘗為獄吏每闔戶默思為囚平反四十年如一日以璉貴累封朝奉大夫卒年八十六人以為陰德之報

張漢卿

桐城人監興國軍堯庫與太守論事不合即和陶潛歸去來辭歸隱三十年後宰相趙汝

愚特  
薦之

張著

知臨江軍政事嚴明吏民畏服時兵荒之餘解服儒業著建學舍為文以勸誘之士因知學

張叔夜

者孫少喜言兵歷知陳留襄城縣海州宋江起河朔叔夜誘擒其副江乃降靖康中金人

南下為都總管率二子伯奮仲熊舉兵勤王轉戰至都累遷簽書樞密院連日與金人大戰斬其二貴將城陷被創猶父子力戰車駕北狩叔夜從至白溝死之諡曰忠文

張克戩

者曾孫第進士累官知汾州金人攻汾克戩畢力捍禦久之召令民兵曰吾不忍負國家

辱父祖愿與此城終始以明吾節眾皆泣對曰願盡死聽命屢敗金人而援兵不至城陷率眾巷戰歸索朝服南向拜自引決一家死者八人事聞贈延康殿學士

張克公

克戩從弟起進士官至吏部尚書嘗論蔡京罪京銜之欲以銓鯨稽遲中克公既又適其

初貢舉事帝以為所取得人  
不問也卒贈知政殿學士

張舜民

字芸叟新平人善為文中進士為襄樂令上言新法不便元祐初司馬光薦其才器秀異

剛直敢言召為監察御史出知陝潭青三州後為吏部侍郎坐元祐黨商州安置自號浮休居士

張玘

涇池人建炎中以家財募兵以屬翟興金兵渡河玘禦之白浪口金將取商州玘佐統制董先

禦之九戰九捷累功遷唐州馬步軍副總管又從岳飛復西京六州平湖賊與金人戰于海州

中流矢卒孝宗命祠于戰所子世雄歿于符離之戰

張澄

紹興八年以右朝請大夫集英殿修撰知建康府改知臨安府上將還臨安澄先往措置陞徽猷閣待制時臨安守臣任同京邑而澄有治劇之才甚有時譽澄言臨安古都會引江為河支流於城之內外交錯而相通舟楫往來為利甚博歲久湮塞民頗病之急行開濬從之除戶部侍郎紹興十四年以龍圖閣學士右軍奉大夫知紹興府再知臨安改知溫州

張伯麟

字慶符當塗人少強學不妄言笑長以氣豪里中每慕古人奇節人未之知也紹興初以明經入太學毅然詁面直人短長同舍生憚之當是時秦檜主和議百執事相戒以言伯麟觀時事常憤之因題齋壁云夫差而忘勾踐之殺而父乎同舍生見之大駭請朽其壁毋令謀者知事聞累君不淺伯麟曰大丈夫一死苟得所無懼也檜方文致太平元夕都市張燈伯麟出

遊過中貴人白諤門見籠燈盛設取筆題其上  
如齋壁所書秦檜間下伯麟於獄筆楚無全膚  
流吉陽軍檜死伯麟生還不知所終

張子修

字德夫父防禦使勲開封人建炎隨張魏公  
入蜀生於簡池受遺澤入仕因任石門酒官

遂卜築以居歷福建漕司淮遣知襄陽穀城縣  
東南正將江西路分都監所至以才能稱名公  
交薦之擢知施州任滿除浙東兵鈐陞副總管  
修雅志泉石力丐垂車歸葺故園觴詠自適壽  
八十  
六終

張震

字嗣之休寧江潭人少孤志讀書乾道五年登  
進士第主仁和簿分教臨川與象山諸公講明

義理宰當塗縣剖析民訟編類成書有聽詞類  
纂十二冊趙忠定公汝愚尤加器重召審察尋

以疾卒子會博聞強記登紹興元年第尉饒之鄱陽調金陵糾曹時丘崇為帥吏胥側足會不肯詭隨平反甚衆任滿不復出仕

家居十餘年卒會子軫輔俱登第

張祁

字晉彥歷陽人以兄郤使敵恩補官祁負氣高義工詩文趙鼎張浚皆器遇之與胡寅交最善

時秦檜疑之會其子孝祥舉進士第一誣祁以罪付大理檜死獲免累遷直秘閣為淮南轉運通判諜知敵謀叛監祁屢以聞于朝且峙粟閱兵為備甚密言者以張皇生事論罷之明年敵果大入寇祁以孝祥仕寔顯不復干進卜居燕湖築其堂曰歸去來祁為人譙恕居官廉靜有守喜吟詩清麗和雅有劉白風格雜以選體晚嗜禪學號總得翁以壽終有文集若干卷子孝祥孝

章

張次夔

字和仲大年子以蔭補福州理掾部使者攝州事以私意撓獄堅持不可使者不能奪帥

相陳俊卿薦之遷西安令通判興國軍郡多私鑄大冶尤甚守用幕官捕治峻急擾及平民次夔爭不聽已而守果以激變致盜嘯聚敗去人服次夔明後奉祠里居適歲小歉查源洄亂愛倡次夔請於宰遣兵掩捕不聽乃走報郡守隨檄次夔集鄉民之材武者斬獲數級賊退鄉人建生祠且為之立碑

張次高

字寬夫次夔弟以父蔭補官調建昌令以督造軍器進一秩任滿倅南雄知南劍州陞辭

論州縣科罰苦民事既到官治績為諸郡最諸司論薦召對論福建配鹽損民稱旨擢知徽州改知邕州歷講馬政會徵外蠻屢交爭次高視事三日即單騎渡江面慰撫之於是盡得良馬

夷俗亦安以  
疾可祠卒

張宋

卿

字恭父博羅人以春秋魁南省擢紹興初進士第除秘書省正字遷校書郎正色立朝權

貴欲納者謝絕之由是  
名重縉紳終肇慶守

張弼

仙遊人精於易推明象數出乎  
自得隱居不仕賜號葆光處士

張纘

金壇人建炎中守揚州金兵進圍城朝廷恐纘  
力不能支許退保鎮江纘堅不動弗顧其家後  
城潰及妻  
子皆死之

張宗顏

延安人父吉為涇原將解宣威城圍死之宗  
顏補官累遷崇信軍承宣使劉豫入寇顏自

泗州為張後繼遇劉猷大  
破之卒贈節度使諡壯敏



張孝祥

字安國烏江人父祁與胡寅厚秦檜憾寅下祁大理獄後得免孝祥讀書一過目不忘文

章俊逸尤工翰墨紹興中進士第一累官集英殿修撰歷知平江靜江荆南皆有聲績及卒孝

宗惜之有用才不盡之歎

張孝伯

和州人隆興間進士官至叅知政事時韓侂胄當國孝伯勸弛偽學黨禁一時賢人貶斥

者得漸還故職子即之以父恩授承務郎累官司農寺丞知嘉興以直祕閣致仕能書聞天下金人得其翰墨重之如寶

張大經

南城人紹興中進士知龍泉儀真俱有善政孝宗召拜御史嘗論中人不一薦士以傷士

風言皆切直風采振揚官至禮部尚書卒諡簡肅

張所

青州人舉進士第歷官監察御史高宗即位遣所按視陵寢還上疏論還京五利又條上兩河

利害及言黃潛善奸邪謫江州安置後李綱薦為河北招撫使所方招來豪傑而李綱罷相遂

落職嶺南安置

張俊

字伯英成紀人好騎射負才氣政和中以討河朔羣寇為都指揮使靖康中以隊將擊金人于

太原金人圍汴俊勒兵勤王高宗擢後軍統制平苗劉之變累遷太僕燕國公

張子蓋

字德高俊從子父宏從俊軍河下金人破開德府宏戰死子蓋初從世忠討苗傳又從俊

擊劉猷又大敗金人于柘皋海州累官安德軍節度鎮江都統孝宗初立授檢校少保淮東招

撫使卒贈太尉諡恭莊

張九成

字子韶錢塘人年十四鄉貢辟雍從楊時學紹興初以直言對策上及兩宮下及閤寺忠

憤激烈無所顧避仕至禮部侍郎以與秦檜議論不合謫居南安軍後起知温州贈太師崇國

公諡文忠

張潤之

字伯誠金華人尚禮好義篤實清介專心問學避地長山摘其幽勝為十詠一時名公咸

賡詠之元黃潛嘗為之跋謂其微言奧旨世莫得聞尚賴此詩之存其高風雅韻猶可概見云

張憲

道陵之後紹聖初以武力絕倫中選為博興巡檢募兵復衢州劉光世尚其功拜武義大夫後

迎高宗于濟南拜武憲大夫江南東路副總管沒于陣官其二子

張彞憲

字季常博學多聞三與計偕不利絕意功名放懷林壑與楊文公世親咸平初文公自括

蒼解印趨朝凡兩造其居因以詩贈云壘嶽參  
差翠遶門雕梁賀燕自成羣割雞日夕期嘉客  
種竹寒暄對此君且向東臯輸黍稷便應北闕  
降玄曠子真謾說耕巖石不奈聲名四遠聞文  
公移詩入京遍謁貴遊咸為屬和文公復作序  
引有曰千里寄題豈人遐而室遠七閩傳誦盡  
玉振以金聲誠足為吾黨之美談寧獨光幽人  
之肥遯其子泌祥符八年進士累官至刑部尚  
書

張浚

字德遠咸平登進士高宗時累官右僕射兼知  
樞密院事嘗平苗劉之亂據卻劾敵招降劇盜  
能使將帥用命始終不主和議為秦檜所惡所  
著有五經解及雜說文集奏議孝宗封魏國公

卒諡  
忠獻

張栻

字敬夫浚子穎悟夙成以古聖賢自期許除直秘閣後開府治戎栻內贊密謀外參庶務間以

軍事入奏孝宗異其對召為吏部侍郎每召對皆修身力學畏天恤民等事後知江陵府卒諡

曰宣所著論益太極諸書學者稱為南軒先生淳祐初從祀孔子廟庭

張杓

浚次子以父恩累官知袁衢二州有能稱提舉湖北常入奏事孝宗甚喜累遷戶部侍郎光寧朝積官至端明學士知建康府杓天分高爽吏材敏給治郡有能聲累官直秘閣在朝屢陳諫

疏有祖父風

張惟孝

襄陽人通春秋工騎射江陵宣撫姚希得羅致之乃請空名帖三十以還逾旬與三十騎

俱擁甲士五千至部伍嚴肅希得大喜時鼎澧五州危甚于是擊鼓耀兵數日眾至萬人數戰

俱捷江上平制使呂文德招之不就而遁物色之不可得

張閣

字臺卿河陽人大觀四年以龍圖閣學士知杭州抗久闕守郡事廢弛閣經理有叙首去惡少

之為民害者召為兵部尚書閣初出守杭思所以固寵辭日乞自領花石綱事應奉由是滋熾云

張邵

烏江人登上舍第建炎中以直龍圖閣使金議論不屈留敵中十餘年而歸陞秘閣修撰後知

池州卒贈少師有文集十卷子孝曾後亦以出使没于金

張希紹

福安人遊學京師建炎間倡義集河南兵敗金人於平陽軍授郎官和義成調移歸縣尉

張叔振

字振之長溪人乾道中進士弱冠橫經講授狀元未待問當師事焉一時衣冠之士多出

其門累官知浦城縣通判岳州入朝四遷為太府丞凡三登對所言皆當世急務上深嘉納而一時權貴多忌之出知信州

張翰

字雲卿號坎翁寧德人以學行為鄉先生高順余復皆其高弟也乾道間舉進士居官涖民所

至有聲年七十致仕歸所著有觀過錄三十四篇

張夔

海陽人政和中進士為茂名令辨民冤獄太守致疑夔投告身去太守勉留之諸司列薦為南

中清介惟夔一人高宗賜璽書勉勵後通判廉州秋毫無取其子昌裔亦通判容州父子並以

清節

聞

張炳

字明叔和雅端靜士人愛敬之少有奇疾在太學師事蜀士史載之極醫方之妙暨歸鄉里推

心究物無間貧富貴賤有謁必往視之不避寒暑全活不可勝計鄉人德之者學能文老而不倦同郡名士魏掾之稱曰太古之遺民

歷仕蘄水簿澧州錄參致仕卒年九十

張良裔

字景先寧化人篤好程氏之學建炎中第調臨川簿不就郡守高其行復辟為武平丞會

盜起良裔單騎造賊壘諭以禍福賊皆感泣而散

張鎮

字深父秦之三陽人也父宗元敷文閣待鎮以恩任承事郎歷兩浙轉運幕委明州造船人

或咥其非勳伐所宜處鎮謝曰晁以道先生所嘗為也吾處之懼弗稱敢薄之耶訖代去不以

卑冗怠事時屬文辭見志然未嘗妄出以示人所居帷屏壁門皆有銘以自警

張彬

戎州人以上舍登第留張浚幕富平之役彬以十二事諫浚不從去通判瀘州曲端之死彬以



書與浚明  
端非反者

張孝直

字英甫臨川人性孝友恬於利欲受學象山之門信所自見所據者實有易書詩語益中

庸口義五十餘篇心所未安雖伊洛諸儒議論亦不苟同領袖郡學誘掖後進士論翕然歸重與章從軒蔡介軒講論終日忘倦多所發明卒年七十七所著又有要言渾象原意雜詩等藏家于

張日用

知德清軍大旱民有爭水者日用曰今為汝借水三寸三日內還汝乃於水中刻表為記

日用即詣一廟為文具述借水事立廟中以俟即日大雨使人視其表果及三寸而止

張守

晉陽人崇寧進士建炎初為御史中丞嘗上疏言陛下處宮室之安則思二帝母后穹廬義幕

之居享膳羞之奉則思二帝母后羶肉酪漿之味言極激切遷翰林學士知制誥尋除參知政

事卒諡

文靖

張璠

福州人嘉定進士累官國子監祭酒後以端明殿學士同知樞密院事兼叅知政事進封長樂

郡公致仕

卒贈少師

張威

成州人仕為利州副都統制屢立奇功嘉定中官終揚州觀察使威初在行伍以勇見稱進充

偏裨每戰輒克每臨陣戰酣則

精采愈奮金人間其名畏憚之

張洽

字元德清江人從朱熹學嘉定初舉進士歷官州縣有善政累遷著作佐郎直祕閣平生用力

于敬居間不言朝廷事或因災變輒輦感不樂

及聞一君子進用則喜見顏色所著有春秋集

傳續通

鑑長編

張愈

郡人有志慶元初上書言請使吳丹令外夷相攻以全中國之勢除校書郎願以授父顯忠而隱于家後召不應而歸杜門著書未就卒妻蒲氏賢而有文自為詩

張師禹

字虞佐天資耿介不苟合不求仕進從之遊者莫不敬畏號鄉先生其猶子贍於財先生病且沒必使作關約析戶籍猶子願推己產附益之先生毅然不受一金及屬續士友張具贍來視疾先生指心示之曰血氣枯竭矣而一點不動言訖溘然而逝

張忠恕

字行父右僕射浚之孫開禧末入為籍田令屬太廟鵠吻為雷雨所壞神主遷御忠恕因輪對請廣言路通下情寧宗嘉納嘉定五年遷太府丞出知湖州魏了翁嘗勉忠恕以植立名

節無潰家聲及是數曰忠獻有後矣又因論對  
孝宗言之曰當求曉事之臣不求辦事之臣欲  
求伐節死義之臣必求犯顏敢諫之臣語益剴  
切忠恕自知不為時所容力請外補遂以直祕

閣知  
贛州

張處

字子必慈谿人唐建中宰相鎡之裔習詩易工  
詞賦登慶元進士教授臨江樓宣獻見而器之  
俾淑族子弟暨為翰林學士復舉以自代為浙  
東安撫使時金將亡上疏言昔間其衰則喜今  
聞其衰則懼蓋雖足偷一時之安而所當深防  
者實在於自治遷祕書丞兼下府教授以疾出  
守南康郡性澹泊奉祠居家端平元年太子遴  
選經筵官以國子司業兼侍講召處講月令至  
孟秋決疑訟反覆數百言復成月令二十二卷  
以進陞國子祭酒工部侍郎龐眉冠帶諸生望

之肅如也壽八十卒諡文靖

張謹

端平間知德興縣縣人頌之曰張侯張侯敦政優游農樂其業禾麥有秋

張汴

字朝宗少客丞相吳潛兄弟既失勢廢斥者十餘年度宗時文天祥起兵辟為祕閣修撰領廣東提舉督府叅謀左右幕府知無不為空坑兵敗為亂兵所殺處置使鄒淵得其屍葬之

張伯淳

字師道少舉童子科以父任銓受迪功郎淮陰尉改揚州司戶叅軍尋舉進士監臨安府

都稅院陞觀察推官除太學錄入元至元二十三年又改授杭州路教授累陞翰林直學士進階奉訓大夫有文集藏于家  
宣慰司副使持正守法斷獄明決人稱為神明

張恪

金壇人性孝友居母喪祥禪逾年不御酒肉有甘露白鵲之祥

張志道

嘉熙間求直言上封事言建儲遷都之事宋亡閉門著書家貧衣食不給處之泰然所著

有易傳

等書

張孝忠

淮人德祐初呂文煥導元兵東下呂師夔與武萬戶分定江東地知信州謝枋得走入安

仁調孝忠逆戰團湖坪矢盡揮雙刀擊殺百餘人前軍稍却後軍繞出孝忠後衆驚潰孝忠中

流矢死

張珏

鳳州人從軍釣魚山以戰功累官中軍都統制人號虢將寶祐末元兵圍合州珏與王關協力

戰守攻之九月不能下德祐初陞四川置制使糧盡元遣人說降不聽城破巷戰不支東走涪

被執至安西自經死  
謀善用兵出奇設伏算無遺策

張慶之

字子善其祖以武職入官從建康徙吳父明

字子聰氣岸奇偉慶之少有志操為舉子業

運長棄不習出入經史百氏精思積慮擬太玄

作測靈又撰孔孟衍語絕意仕進好為山水之

游著虎丘賦因號海峰野逸傲五柳先生作海

峰遺民傳以伯夷蔣詡陶潛司空圖自況且謂

沈冥似海峻厲似峰時人稱其狷介初文天祥

知平江慶之齒諸生聞國亡集杜詩備述

張雲

天祥平生大節有聞文編三卷并闕

老子注測靈衍語續胡會闕史闕

及天祥人嘗為敢勇將文天祥師入衛闕

歸時吉州闕降雲謀闕

取道

張康

湘潭人早孤力學旁通術數江萬里

中丞皆

推重之辟置幕下宋亡隱衡山  
崔或祀南嶽就訪隱逸具以問召  
試所學大驗授著作佐郎禮遇  
丞

張山翁

字君壽其先普州人景定三年進士德  
年為荆湖宣撫司幹官鄂守張晏然

山翁以書讓之晏然既降山翁被執  
行省官賈思貞義之貸不殺後居  
教授而終所著有南紀  
緇林藏雲山相鋤諸篇

張鏜

衡山人僕射浚之後益王立詔天下勤王鏜起  
兵衡山移檄安化新化諸獠得民兵數千文天

祥率兵出領相與接應既而兵敗被執元叅政  
崔斌欲降之鏜罵曰今日降而死無以見我祖



魏公於地下斌命述起兵本末  
鏗奮筆斥罵千百言斌怒殺之

### 張世傑

范陽人少從張柔成杞有罪遂奔宋呂文德  
召為小校累官至保康軍節度使知平江召

入衛元兵至皋亭山遣使說降世傑斬其使及  
衛王駐唯山元張弘範得世傑甥韓使招之世  
傑不聽弘範攻唯山陸秀夫抱衛王投水死世  
傑以小舟奉楊太后脫去欲求趙氏立之遇颶  
風世傑仰天呼曰天不欲存  
趙祀則風覆吾舟遂覆

### 張貴

度宗時襄陽被圍張貴既抵襄襄帥呂文煥力  
留共守貴恃其驍勇欲還郢乃募二士能伏水  
中數日不食使持蠟書赴郢求援貴戰已困出  
于不意殺傷殆盡身被數十創力不支見執卒  
不屈  
死之

張順

度宗時為民兵部將襄陽受圍五年順竭力捍禦收軍失順越數日有浮屍遡流而上被介冑

執弓矢直抵浮梁視之順也身中四鎗六箭怒氣勃勃如生諸軍驚以為神結冢歛屍葬立廟

祀之

萬姓統譜卷三十九